

萬 有 文 庫

第 二 集 七 百 種

王 雲 五 主 編

史 繹

(七)

馬 驢 撰

商 務 印 書 館 發 行

史 釋

(七)

撰 騷 馬

書 叢 本 基 學 國

		商有天下地方三千里三				每州地方千里				為王畿八千里為八州	
		三而千里者九也一千里				分為百方每方				州	
		州建百里之國三十野				天子之縣內方百里之國				州	
		地七十里之國六十野				九十里之國三十一				州	
		之國四十里之國六十野				天子之國六十三				州	
		之國三十里之國六十野				三茅共九十三國名山大				州	
		之國二十里之國六十野				澤不以勝其餘以揀士以				州	
		之國一里之國六十野				為關田				州	
		餘以爲野				合王畿內外九州建國				州	
		餘以爲野				一千七百七十一天子				州	
		餘以爲野				與之元士諸侯之附庸不				州	

王制曰·四海之內九州·州方千里·八州州二百一十國·天子之縣內九十三國·凡九州千七百七十三國·註云·此殷制也·春秋傳云·禹會諸侯於塗山·執玉帛者萬國·言執玉帛·則是惟中國耳·萬國諸侯·有方百里·七十里·五十里者·禹承堯舜而然矣·要服之內·方七千里·乃能容之·夏末既衰·地減國少·殷湯承之·更制中國方三千里之界·亦分爲九州·而建此千七百七十三國焉·愚按王制所稱九州建國之數·既膠滯不通·其爲殷制·亦無確據·鄭氏輒謂湯承夏衰·九圍狹小·何所見而云然耶·




職方氏。凡邦國千里。封公以方五百里。則四公。方四百里。則六侯。方三百里。則十一伯。方二百里。則二十五子。方百里。則百男。註云。以此率徧知四海九州邦國多少之數也。周九州之外。方七千里。方千里者四十九。其一爲畿內。餘八州各有方千里者六。周公設法。以待有功。而大其封。一州之中。以其千里封公。則可四。又以其千里封侯。則可六。又以其千里封伯。則可十一。又以其千里封子。則可二十五。又以其千里封男。則可百。州二百一十國。以男備數焉。愚按。周說鄭氏之言邦國也。職方氏所載周之九州。不外於禹貢五千之城。無所謂方七千里也。必令畿內千里。而八州各六千里。然後設法每州封四公六侯之等。而又以男備二百一十國之數。是八州之地。當有三十二公。四十八侯。八十八伯。二百子。一千三百一十二男。周之建國無是也。分州畫界。因山川人衆以爲廣袤。故兗豫之地。不及幽揚之半。何嘗有州各六千里哉。蓋周之制法。大凡邦國千里。若討公則可四。侯則可六。以至男則可百。然五等之國。往往蕃布於千里之中。約以是積其里數而已。此職方氏計邦國以知道里。非計道里以分九州也。若王制。每州二百一十國。自是殷法。於周何涉哉。



五等諸侯之食·先鄭云·諸侯所自食·其於經文似順·若然·則大國貢輕·次國貢重·非字小之義·故後鄭不從·





小司徒·經土地·九夫爲井·以畝百爲夫計之·故曰九夫·地有上中下·大約一夫耕二夫之地·每井實則四家·四井爲邑·十六家·論語·十室之邑·是也·四邑爲丘·六十四家·丘·聚也·舜所居二年成聚·是也·司馬法·有戎馬一匹·牛三頭·四丘爲甸·二百五十六家·司馬法·有戎馬四匹·兵車一乘·步卒七十五人·又重車一乘·將之者二十五人·二車共百人·甸出車·可以軍旅田役·故以爲名·畢賦之法·期於甸·而魯成公作丘甲·春秋所以譏重賦也·四甸爲縣·一千二十四家·出兵車四乘·四縣爲都·四千九十六家·出兵車十六乘·凡丘甸縣都·皆據井邑居民而立名·所謂以室數制之·其出車當提零就整·非可以道里計也·姑爲方圖·以著其爲數而已·鄭註謂甸方八里·旁加一里·以治洫·四都方八十里·旁加十里·以治澮·以合司馬法通成終甸百里萬井之數·夫有田卽有澮洫·豈田在一處·洫又在一處·夫所以治田出稅·豈出田稅者有夫·治澮澮者又別有夫哉·其說誠不可通矣·





【鄭氏甸都旁加圖】小司徒

四都方八十里旁加十里為同同方百里積萬井九萬夫內四十九十六井三萬六千八百六十四夫出田稅二千三百四井二萬七百三十六夫治漁三十六百井三萬二千四百夫治漁

一同之地凡四都一十六縣六十四甸並旁加十里為萬井此圖止舉一隅而三隅可以類推

旁加十里





四縣為都都方四十里積一千六百井一萬四千四百夫內九千二百十六夫出田稅五千一百八十四



旁加一里三十六

旁加一里

甸十百




治漁


治漁

四甸為縣縣方二十里積四百井三千六百夫

據鄭氏此說·甸六十四井·旁加三十六井·以治澮·都方八十里·旁加十里·三千六百井·以治澮·故井田之法·備於一同·此率合百里萬井之數·而不覺其辭之迂也·經言十夫有溝·百夫有澮·千夫有澮·萬夫有川·夫耕田出稅·利·通溝澮·本不相離·故溝澮即在田中·非旁加也·且既曰旁加以治澮治澮矣·何得復謂之井·計萬井而出稅者·不過三萬六千八百六十四井·則是實耕出賦之地少·而水渠之費田反多也·因其說而爲圖·用著其非·



步為百畝




中步曰武。一足所履。二武曰步。兩足所張。六尺為一步。此人身自然之度。量田用之。司馬法曰。六尺為步。步百為畝。此圖每方一步。縱橫各十步。積為百步。是為一畝。

考工記。匠人為溝洫。耜廣五寸。二耜為耦。一耦之伐。廣尺深尺。謂之畎。註云。古者耜一金。兩人併發之。其壟中曰畎。畎上曰伐。伐。發也。畎。古畎字。

一畝三吠

(圖14)




吠吠吠

長百步

漢書曰。后稷始吠田。吠長終畝。一畝三吠。而播種於吠中。苗生葉以上。稍耨壟草。因隕其土。以附苗根。比壟

釋史 卷二十三

### 井田之法



詩公劉曰：微田爲糧。大田曰：雨我公田。遂及我私。孟子曰：方里而井，井九百畝。其中爲公田。八家皆私百畝，同養公田。公事畢，然後敢治私事。小司徒：乃經上地而井牧其田野。九夫爲井。司馬法曰：畝百爲夫，夫三爲屋，屋三爲井。考工記：廣尺深尺爲畎，田首倍之，廣二尺，深二尺，謂之遂。九夫爲井，井間廣四尺，深四尺，謂之溝。

### 牧田之法



遂人：凡治野，夫閒有遂，遂上有徑，十夫有溝，溝上有眡，註云：遂廣深各二尺，溝倍之。徑容牛馬，眡容大車。左傳：牧隰臯，井衍沃，蓋寬平之地爲井，窄狹高下之田，但可爲牧，井限於九夫，牧則多不過十夫，其閒遂溝之制無不同也。經文互舉之耳，舊以九夫爲都鄙，用助法，十夫爲鄉遂，用貢法，殆不然也。



萬井一同。以開方計之。縱橫各百井。限於方幅。不能盡載。圖此以例其餘。遂人所稱十夫萬夫之屬。以受田自畝爲一夫也。井數限於九。夫限於八。今合爲一圖者。其溝洫之法。可以互見。且餘夫受田不過二十五畝。則每井當有十餘夫。故舉成數言之。

凡耕者皆爲橫畝以入於遂。一步三畝。立苗二尺。此樹植之法。井牧皆然也。夫閒之遂入於溝。此利通水道之法。亦非牧所同也。故考工記。田首謂之遂。九夫爲井。井閒謂之溝。是井田之溝遂也。遂人。夫閒有遂。十夫有溝。是牧田之溝遂也。周禮小司徒舊法。司馬法述之曰。四井爲邑。四邑爲丘。丘有戎馬一匹。牛三頭。是謂匹馬丘牛。四丘爲甸。甸出長轂一乘。馬四匹。牛十二頭。甲士三人。步卒七十二人。戈楯具。謂之乘馬。四甸爲縣。兵車四乘。四縣爲都。兵車十六乘。此不計道里。專以都鄙之數用爲兵賦之法耳。司馬法又曰。畝百爲夫。夫三爲屋。屋三爲井。井十爲通。通爲匹馬。三十家。通十爲成。成百井。三百家。革車一乘。成十爲終。終千井。三千家。革車十乘。終十爲同。方百里。萬井。三萬家。革車百乘。均之爲司馬法也。甸六十四井。成百井。皆出車一乘。甸以室數之實計之。成以道里兼山川道涂之虛數也。故一同之地。提封萬井。除山川沈斥城池邑居園圃衛路。定田賦不過六千四百井。又以上中下三等之地計之。一夫耕二夫之地。每井止四家。一同共二萬五千餘家。出車百乘。若以一成計之。除山川等三分之一。定出賦六十四井。正合甸之田數。一夫耕二夫之地。爲二百五十餘家。出車一乘。亦與甸之車數相符。今云一同萬井三萬家者。此一直算法。不必除其虛地與三等受地之差。而俱約以下地紀數也。故三夫爲屋。屋卽家也。積至萬井。爲三萬家。而云出車百乘矣。按考工記。匠人溝洫之法。自九夫爲井以至百里爲同。司馬法。自三屋爲井。以至十終爲同。皆據井田言之。小司徒之丘甸縣都言井。而牧可類推。遂人之溝洫澮川言牧。而非亦同其法。夫井田之地。必方如碁局。平如砥石。其水道必磬折如勾股。自非衍沃寬平之壤。豈能爲之。牧田者隨地可施。多不過十夫。少則不足一夫。亦可補而授焉。此無公田。每夫自供什一之賦。先王制法。相質而成。所以盡善也。謂都鄙鄉遂之異制。豈都鄙盡衍沃。而鄉遂悉隰臯哉。



三等受田法

地上		
田百畝	萊十五畝	
地中		
田百畝	萊百畝	
地下		
田百畝	萊百畝	一歲曰菑
田百畝	萊百畝	二歲曰畚
田百畝	萊二百畝	三歲曰新田

井九百畝。中爲公田。八家皆私百畝。然考周初闢土升田。有不盡然者。大司徒。不易之地。家百畝。一易之地。家二百畝。再易之地。家三百畝。遂人。上地。夫一廬。田百畝。萊五十畝。餘夫亦如之。中地。夫一廬。田百畝。萊百畝。餘夫亦如之。下地。夫一廬。田百畝。萊二百畝。餘夫亦如之。小司徒。上地。家七人。可任也者家三人。中地。家六人。可任也者二家五人。下地。家五人。可任也者家二人。大司馬。上地。食者參之二。中地。食者半。下地。食者參之一。三等之地。經中四見。皆分土以任民。上地不易。又益以萊五十畝。三分兩食其一。每夫田五十畝。是一井之中。實不足六夫矣。中地一易。益以萊百畝。二分而食其一。每夫田二百畝。是一井之中實四夫也。下地再易。益以萊二百畝。三分而食其一。每夫田三百畝。是一井之中實不足三夫也。井田之經界有定。而夫之受田不齊如此。必有休代之法。則田之所收者均。但不易則費人工少。易則費人工多。故三地之入食與可任者。人數不同。正夫足其所食之人數。而又有可任者。即受餘夫之田。餘夫滿七六五人之數者。別受正夫之田。大約三等之地。通融而論。每井不過四家。可用之民。十人而已。若拘於一夫百畝。則田有肥瘠。口有衆寡。似均而實不均也。故知古人八家同井。特就地土膏腴生齒繁庶者言之。非一鑿通行之法也。

一夫上有父母。下有妻子。旁有兄弟。謂之家。受田或不易。或一易。再易。故自七人至五人。可任者三人至二人。皆食於百畝之內。七六五<sub>人</sub>之外。又有弟六尺以上。可任男子征役之事。乃受餘夫田二十五畝。如有數弟。則各受餘夫之田。以養其妻子。禮。弟雖生子。猶同居。故兄弟之子爲猶子。其相謂爲同堂兄弟也。夫與弟各生孫。則已又爲父。其冢子爲夫。次子爲餘夫。其孫各爲其子。以成家。夫之冢子受原田。弟之冢子各受百畝之田。遂人所謂夫一廬。餘夫亦如之也。世次相降。其法皆然。或疑朱子云。壯而有室。受百畝之田。賈氏疏云。年二十九已下。受口田二十五畝。三十有妻。則受夫田百畝。夫壯而有室。無父母之養。子係之畜。安得與八口之家同受百畝。且一歲之間。因有妻而遂加田七十五畝。寧不至荒蕪乎。故餘夫必俟丁衆成家。方可授以百畝。若一夫一婦。則猶然二十五畝。經所載未盡耳。苟壯而有室。即受廬別居。受田別耕。普天之下。並無父子兄弟之樂矣。王政不幾厲民



# 釋史卷二十三

## 三代第十三

### 周官之制上

【史記】成王在豐天下已安。周之官政未次序。於是周公作周官。官別其宜。作立政。以便百姓。百姓說。前編。立政係成王四年。周官係成王六年。金仁山曰。按立政之書。前儒謂周公告君之絕筆。非也。此亦初年之書也。故其官名與周禮未盡合。蓋時猶舊制也。至稱詰爾戎兵。蓋其時東征。未盡奠也。大紀係於四年是爲得也。又曰。周官一篇。周禮之經也。顧其間有不合者。則其後因時裁定。不無損益。而大略無甚異矣。周禮之篇端。皆以惟王建國。則書成於營洛之後也。然成王未遂居洛。況盡用六典之制乎。

【書】周公若曰。拜手稽首告嗣天子王矣。用咸戒于王曰。王左右常伯常任。準人綴衣。虎賁。周公曰。嗚呼。休茲。知恤鮮哉。古之人迪惟有夏。乃有室大競。籲俊尊上帝。迪知忱恂于九德之行。乃敢告教厥后曰。拜手稽首后矣。曰。宅乃事。宅乃牧。宅乃準。茲惟后矣。謀面用丕訓德。則乃宅人。茲乃三宅無義民。桀德。惟乃弗作。往任。是惟暴德。罔後。亦越成湯。陟丕釐上帝之耿命。乃用三有宅。克卽宅。曰。三有俊。克卽俊。嚴惟丕式。克用三宅三俊。其在商邑。用協于厥邑。其在四方。用丕式見德。嗚呼。在昔受德。啓惟羞刑暴德之人。同于厥邦。乃惟庶習逸德之人。同于厥政。帝欽罰之。乃俾我有夏。式商受命。奄甸萬姓。亦越文王武王。克知三有宅心。灼見三有俊心。以敬事上帝。立民長伯。立政任人。準夫。牧作三事。虎賁。綴衣。趣馬。小尹。左右攜。

僕百司。庶府大都小伯。藝人表臣百司。太史尹伯。庶常吉士。司徒司馬。司空亞旅。夷微盧。烝三毫。阪尹。文王惟克厥宅心。乃克立茲常事。司牧人。以克俊有德。文王罔敢兼于庶言。庶獄庶慎。惟有司之牧夫。是訓用遠。庶獄庶慎。文王罔敢知于茲。亦越武王。率惟救功。不敢替厥義德。率惟謀從容德。以竝受此丕丕基。嗚呼。孺子王矣。繼自今。我其立政立事。準人牧夫。我其克灼知厥若。丕乃俾亂。相我受民。和我庶獄庶慎。時則勿有閒之。自一話一言。我則末惟成德之彥。以乂我受民。嗚呼。予旦已受人之徽言。咸告孺子王矣。繼自今。文子文孫。其勿誤于庶獄庶慎。惟正是乂之。自古商人。亦越我周文王。立政立事。牧夫準人。則克宅之。克出繹之。茲乃俾乂。國則罔有立政用儉人。不訓于德。是罔顯在厥世。繼自今立政。其勿以儉人。其惟吉士。用勸相我國家。今文子文孫。孺子王矣。其勿誤于庶獄。惟有司之牧夫。其克詰爾戎兵。以陟禹之迹。方行天下。至于海表。罔有不服。以觀文王之耿光。以揚武王之大烈。嗚呼。繼自今後王立政。其惟克用常人。周公若曰。太史司寇蘇公。式敬爾由獄。以長我王國。茲式有慎。以列用中罰。〔善序〕周公作立政惟周王撫萬邦。巡侯甸。四征弗庭。綏厥兆民。六服羣辟。罔不承德。歸于宗周。董正治官。王曰。若昔大猷。制治于未亂。保邦于未危。曰。唐虞稽古。建官惟百。內有百揆。四岳外有州牧侯伯。庶政惟和。萬國咸寧。夏商官倍。亦克用乂。明王立政。不惟其官。惟其人。今予小子。祇勤于德。夙夜不逮。仰惟前代時若。訓迪厥官。立太師太傅太保。茲惟三公。論道經邦。燮理陰陽。官不必備。惟其人。少師少傅少保。曰三孤。貳公弘化。寅亮天地。弼予一人。

冢宰掌邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。統六師。平邦國。司寇掌邦禁。詰姦慝。刑暴亂。司空掌邦土。居四民。時地利。六卿分職。各率其屬。以倡九牧。阜成兆民。六年。五服一朝。又六年。王乃時巡。考制度于四岳。諸侯各朝于方岳。大明黜陟。王曰。嗚呼。凡我有官。君子。欽。乃攸司。慎。乃出令。令出。惟行。弗惟反。以公滅私。民其允懷。學古入官。議事以制。政乃不迷。其爾典。常作之師。無以利口。亂厥官。蓄疑敗謀。怠忽荒政。不學牆面。莅事惟煩。戒爾卿士。功崇惟志。業廣惟勤。惟克果斷。乃罔後艱。位不期驕。祿不期侈。恭儉惟德。無載爾僞。作德心逸日休。作僞心勞日拙。居寵思危。罔不惟畏。弗畏入畏。推賢讓能。庶官乃和。不和政厖。舉能其官。惟爾之能。稱匪其人。惟爾不任。王曰。嗚呼。三事暨大夫。敬爾有官。亂爾有政。以佑乃辟。永康兆民。萬邦惟無斁。(書序)成王既黜殷命。滅淮夷。還歸在豐。作周官。

### 天官冢宰一

【周禮】惟王建國。辨方正位。體國經野。設官分職。以爲民極。乃立天官冢宰。使帥其屬。而掌邦治。以佐王均邦國。治官之屬。○大宰卿一人。小宰中大夫二人。宰下大夫四人。夫上士八人。甸中士十有六人。甸旅下七。甸三十有二。甸史十有二人。胥十有二人。徒百有二十人。大宰之職。掌建邦之六典。以佐王治邦國。一曰治典。以邦經國。以治官府。以紀萬民。二曰教典。以安邦國。以教官府。以擾萬民。三曰禮典。以和邦國。以統百官。以諧萬民。四曰政典。以平邦國。以正百官。以均萬民。五曰刑典。以詰邦國。以刑百官。以糾萬民。六曰事典。以富邦國。以任百官。以生萬民。以八法治官府。一曰官屬。

以舉邦治。二曰官職。以辨邦治。三曰官聯。以會官治。四曰官常。以聽官治。五曰官成。以經邦治。六曰官法。以正邦治。七曰官刑。以糾邦治。八曰官計。以弊邦治。以八則治都鄙。一曰祭祀。以馭其神。二曰法則。以馭其官。三曰廢置。以馭其吏。四曰祿位。以馭其士。五曰賦貢。以馭其用。六曰禮俗。以馭其民。七曰刑賞。以馭其威。八曰田役。以馭其衆。以八柄詔王馭羣臣。一曰爵。以馭其貴。二曰祿。以馭其富。三曰予。以馭其幸。四曰置。以馭其行。五曰生。以馭其福。六曰奪。以馭其貧。七曰廢。以馭其罪。八曰誅。以馭其過。以八統詔王馭萬民。一曰親親。二曰敬故。三曰進賢。四曰使能。五曰保庸。六曰尊貴。七曰達吏。八曰禮賓。以九職任萬民。一曰三農。生九穀。二曰園圃。毓草木。三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲枲。八曰臣妾。聚斂疏材。九曰閒民。無常職。轉移執事。以九賦斂財賄。一曰邦中之賦。二曰四郊之賦。三曰邦甸之賦。四曰家削之賦。五曰邦縣之賦。六曰邦都之賦。七曰關市之賦。八曰山澤之賦。九曰幣餘之賦。以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。以九貢致邦國之用。一曰祀貢。二曰嬪貢。三曰器貢。四曰幣貢。五曰財貢。六曰貨貢。七曰服貢。八曰旂貢。九曰物貢。以九兩繫邦國之民。一曰牧。以地得民。二曰長。以貴得民。三曰師。以賢得民。四曰儒。以道得民。五曰宗。以族得民。六曰主。以利得民。七曰吏。以治得民。八曰友。以任得民。九曰覈。以富得民。正月之吉。始和。布治于邦。

國都鄙。乃縣治象之法于象魏。使萬民觀治象。挾日而斂之。乃施典于邦國。而建其牧。立其監。設其參。傅其伍。陳其殷。置其輔。乃施則于都鄙。而建其長。立其兩。設其伍。陳其殷。置其輔。乃施法于官府。而建其正。立其貳。設其攷。陳其殷。置其輔。凡治以典待邦國之治。以則待都鄙之治。以法待官府之治。以官成待萬民之治。以禮待賓客之治。祀五帝。則掌百官之誓戒。與其具脩。前期十日。帥執事而卜日。遂戒。及執事。眡滌濯。及納亨。贊王牲事。及祀之日。贊玉幣爵之事。祀大神示。亦如之。享先王。亦如之。贊玉几玉爵。大朝覲會同。贊玉幣。玉獻玉几玉爵。大喪。贊贈玉含玉。作大事。則戒于百官。贊王命。王眡治朝。則贊聽治。眡四方之聽朝。亦如之。凡邦之小治。則冢宰聽之。待四方之賓客之小治。歲終。則令百官府各正其治。受其會聽。其致事。而詔王廢置。三歲。則大計羣吏之治。而誅賞之。小宰之職。掌建邦之宮刑。以治王宮之政令。凡宮之糾禁。掌邦之六典八法八則之貳。以逆邦國都鄙官府之治。執邦之九貢九賦九式之貳。以均財節邦用。以官府之六敍正羣吏。一曰以敍正其位。二曰以敍進其治。三曰以敍作其事。四曰以敍制其食。五曰以敍受其會。六曰以敍聽其情。以官府之六屬舉邦治。一曰天官。其屬六十。掌邦治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬六十。掌邦禮。大事則從其長。小事則專達。四曰夏官。其屬六十。掌邦政。大事則從其長。小事則專達。五曰秋官。其屬六十。掌邦刑。大事則從其長。小事則專達。六曰冬官。其屬六十。掌邦事。大事則從其長。小事則專達。以官府之六職

辨邦治。一曰治職。以平邦則以均萬民。以節財用。二曰教職。以安邦國。以寧萬民。以懷賓客。三曰禮職。以和邦國。以諧萬民。以事鬼神。四曰政職。以服邦國。以正萬民。以聚百物。五曰刑職。以詰邦國。以糾萬民。以除盜賊。六曰事職。以富邦國。以養萬民。以生百物。以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂弛之聯事。凡小事皆有聯。以官府之八成經邦治。一曰聽政役。以比居。二曰聽師田。以簡稽。三曰聽閭里。以版圖。四曰聽稱責。以傅別。五曰聽祿位。以禮命。六曰聽取予。以書契。七曰聽賣買。以質劑。八曰聽出入。以要會。以聽官府之六計。弊羣吏之治。一曰廉善。二曰廉能。三曰廉敬。四曰廉正。五曰廉法。六曰廉辨。以法掌祭祀。朝覲會同。賓客之戒具。軍旅。田役。喪荒。亦如之。七事者。令百官府共其財用。治其施舍。聽其治訟。凡祭祀。贊玉幣爵之事。裸將之事。凡賓客。贊裸。凡受爵之事。凡受幣之事。喪荒。受其含槨。幣玉之事。月終。則以官府之敍。受羣吏之要。贊冢宰。受歲會。歲終。則令羣吏致事。正歲。帥治官之屬。而觀治象之法。徇以木鐸。曰。不用法者。國有常刑。乃退。以宮刑憲。禁于王宮。令于百官府曰。各修乃職。攷乃法。待乃事。以聽王命。其有不共。則國有大刑。宰夫之職。掌治朝之法。以正王及三公六卿大失羣吏之位。掌其禁令。敍羣吏之治。以待賓客之令。諸臣之復。萬民之逆。掌百官府之徵令。辨其八職。一曰正。掌官法。以治要。二曰師。掌官成。以治凡。三曰司。掌官法。以治目。四曰旅。掌官常。以治數。五曰府。掌官契。以治藏。六曰史。掌官書。以贊治。七曰胥。掌官敍。以治敍。八曰



徒掌官令。以徵令。掌治法。以攷百官府羣都縣鄙之治。乘其財用之出入。凡失財用物辟名者。以官刑詔冢宰而誅之。其足用長財善物者。賞之。以式法掌祭祀之戒具。與其薦羞。從太宰而眡滌濯。凡禮事。贊小宰比官府之具。凡朝覲會同賓客。以牢禮之法。掌其牢禮。委積。膳獻。飲食。賓賜之殮。牽與其陳數。凡邦之弔事。掌其戒令。與其幣器財用。凡所共者。大喪小喪。掌小官之戒令。帥執事而治之。三公六卿之喪。與職喪帥官有司而治之。凡諸大夫之喪。使其旅帥有司而治之。歲終。則令羣吏正歲會。月終。則令正月要。旬終。則令正日成。而以攷其治。治不以時舉者。以告而誅之。正歲。則以法警戒羣吏。令脩宮中之職事。書其能者與其良者。而以告于上。○宮正。上士二人。中士四人。下士八人。府二人。史四人。胥四人。徒四十人。○宮伯。中士二人。下士四人。府一人。史二人。胥二人。徒二十人。

宮正掌王宮之戒令糾禁。以時比宮中之官府。次舍之衆寡。爲之版以待。夕擊柝而比之。國有故。則令宿。其比亦如之。辨內外而時禁。稽其功緒。糾其德行。幾其出入。均其稍食。去其淫怠。與其奇衺之民。會其什伍而教之道藝。月終。則會其稍食。歲終。則會其行事。凡邦之大事。令于王宮之官府次舍。無去守。而聽政令。春秋以木鐸脩火禁。凡邦之事。蹕宮中廟中。則執燭。大喪。則授廬舍。辨其親疏貴賤之居。宮伯掌王宮之士庶子。凡在版者。掌其政令。行其秩斂。作其徒役之事。授八次八舍之職事。若邦有大事。作宮衆。則令之。月終。則均秩。歲終。則均斂。以時頒其衣裳。掌其誅。○膳夫。上士二人。中士四人。下士八人。府二人。史四人。胥十有二人。徒百有二十人。○庖人。中士四人。下士八人。府二人。史四人。胥四人。徒四十人。○內饗。中士四人。下士八人。府二人。史四人。胥十人。徒百人。○外饗。中士四人。下士八人。府二人。史四人。胥十人。徒百人。

○享人。下士四人·府一人·史二人·胥五人·徒五十人。 ○甸師。下士二人·府一人·史二人·胥三十人·徒三百人。 ○獸人。史四人·胥四人·徒四十人。 ○獸人。中士二人·下士四人·府二人·史二人·胥四人·徒四十人。 ○鼈人。史二人·徒十有六人。 ○膳人。史二人·徒二十人。 膳夫掌王之食飲膳羞以養王及后世子。凡王之饋。食用六穀。膳用六牲。飲用六清。羞用百有二十品。珍用八物。醬用百有二十。饗。王日一舉。鼎十有二物。皆有俎。以樂侑食。膳夫授祭。品嘗食。王乃食。卒食。以樂徹于造。王齊。日三舉。大喪則不舉。大荒則不舉。大札則不舉。天地有裁則不舉。邦有大故則不舉。王燕食。則奉膳贊祭。凡王祭祀賓客。食則徹王之胙俎。凡王之稍事。設薦脯醢。王燕飲酒。則爲獻主。掌后及世子之膳羞。凡肉脩之頒賜。皆掌之。凡祭祀之致福者。受而膳之。以摯見者。亦如之。歲終。則會。唯王及后世子之膳不會。庖人掌共六畜六獸六禽。辨其名物。凡其死生蠹薨之物。以共王之膳。與其薦羞之物。及后世子之膳羞。共祭祀之好羞。共喪紀之庶羞。賓客之禽獻。凡用禽獻。以法授之。其出入亦如之。凡用禽獸。春行羔豚。膳膏香。夏行牀鱸。膳膏臊。秋行犢麋。膳膏腥。冬行蠶羽。膳膏羶。歲終。則會。唯王及后之膳禽不會。內饗掌王及后世子膳羞之割亨煎和之事。辨體名肉物。辨百品味之物。王舉。則陳其鼎俎。以牲體實之。選百羞醬物珍物。以俟饋。共后及世子之膳羞。辨腥臊膾香之不可食者。牛夜鳴則廝。羊冷毛而毳。羶犬赤股而躁。臊。鳥臠色而沙鳴。狸豕盲眦而交睫。腥。馬黑脊而般臂。螻。凡宗廟之祭祀。掌割亨之事。凡燕飲食。亦如之。凡掌共羞脩刑臠。胖骨鱸。以待共膳。凡王之好賜肉脩。則饗人共之。外饗掌外祭祀之割亨。共其脯脩刑臠。

陳其鼎俎。實之牲體魚腊。凡賓客之殮饗饗食之事。亦如之。邦饗耆老孤子。則掌其割亨之事。饗士庶子。亦如之。師役。則掌其獻賜脯肉之事。凡小喪紀。陳其鼎俎而實之。亨人掌其鼎鑊。以給水火之齊。職外內饗之饗亨煮。辨膳羞之物。祭祀。共大羹。鉶羹。賓客。亦如之。甸師掌帥其屬而耕耨王藉。以時入之。以共靈盛。祭祀。共蕭茅。共野果。蒹之薦。喪事。代王受眚。裁王之同姓有舉。則死刑焉。帥其徒以薪蒸。役外內饗之事。獸人掌畧田獸。辨其名物。冬獻狼。夏獻麋。春秋獻獸物。時田。則守畧。及弊田。令禽注于虞中。凡祭祀。喪紀。賓客。共其死獸。生獸。凡獸入于腊人。皮毛筋角。入于玉府。凡田獸者。掌其政令。獸人掌以時獻爲梁。春獻王鮪。辨魚物。爲蠡薨。以共王膳羞。凡祭祀。賓客。喪紀。共其魚之蠡薨。凡獻者。掌其政令。凡獻。征入于玉府。鼈人掌取互物。以時簪魚鼈龜蜃。凡貍物。春獻鼈蜃。秋獻龜魚。祭祀。共蠹羸蜺。以授醢人。掌凡邦之籍事。腊人掌乾肉。凡田獸之脯腊臠。胙之事。凡祭祀。共豆脯薦脯臠。胙。凡腊物。賓客。喪紀。共脯腊。凡乾肉之事。○醫師。上士二人。下士四人。府二。○食醫。中士二。○疾醫。中士八。○瘍醫。下士八。○獸醫。下士四。醫師掌醫之政令。聚毒藥。以共醫事。凡邦之有疾病者。疔瘍者。造焉。則使醫分而治之。歲終。則稽其醫事。以制其食。十全爲上。十失一次之。十失二次之。十失三次之。十失四次之。爲下。食醫掌和王之六食。六飲。六膳。百羞。百醬。八珍之齊。凡食。齊。眠。春時。羹。齊。眠。夏時。醬。齊。眠。秋時。飲。齊。眠。冬時。凡和春多酸。夏多苦。秋多辛。冬多鹹。調以滑甘。凡會。膳。食之宜。牛宜稌。羊宜黍。豕宜稷。犬宜粱。鴈宜麥。魚宜苽。凡君子。

之食恆放焉。疾醫掌養萬民之疾病。四時皆有癘疾。春時有瘡首疾。夏時有痒疥疾。秋時有瘧寒疾。冬時有嗽上氣疾。以五味五穀五藥養其病。以五氣五聲五色。眠其死生。兩之以九竅之變。參之以九藏之動。凡民之有疾病者。分而治之。死終。則各書其所以而入于醫師。瘍醫掌腫瘍潰瘍金瘍折瘍之祝藥。副殺之齊。凡療瘍。以五毒攻之。以五氣養之。以五藥療之。以五味節之。凡藥。以酸養骨。以辛養筋。以鹹養脉。以苦養氣。以甘養肉。以滑養竅。凡有瘍者。受其藥焉。獸醫掌療獸病。療獸瘍。凡療獸病。灌而行之。以節之。以動其氣。觀其所發而養之。凡療獸瘍。灌而副之。以發其惡。然後藥之。養之。食之。凡獸之有病者。有瘍者。使療之。死。則計其數。以進退之。○酒正。中七四人。下士八人。府二人。史二人。史八人。胥八人。徒八十人。○酒人。奄十人。女酒三十人。奚三百人。○漿人。奄五人。女漿十有五人。奚百有五十人。○凌人。下士二人。府二人。史二人。史八人。胥八人。徒八十人。酒正掌酒之政令。以式法授酒材。凡爲公酒者。亦如之。辨五齊之名。一曰泛齊。二曰醴齊。三曰盎齊。四曰緹齊。五曰沈齊。辨三酒之物。一曰事酒。二曰昔酒。三曰清酒。辨四飲之物。一曰清。二曰醫。三曰漿。四曰醕。掌其厚薄之齊。以共王之四飲。三酒之饌。及后世子之飲。則其酒。凡祭祀。以法共五齊三酒。以實八尊。大祭三貳。中祭再貳。小祭壹貳。皆有酌數。唯齊酒不貳。皆有器量。共賓客之禮酒。其后之致飲于賓客之禮醫醕糟。皆使其士奉之。凡王之燕飲酒。共其計。酒正奉之。凡饗士庶子。饗耆老孤子。皆共其酒。無酌數。掌酒之賜頒。皆有法以行之。凡有秩酒者。以書契授之。酒正之出。日入其成。月入其要。小宰聽之。歲終。則會。唯王及后之飲酒。不會。以酒式誅賞。酒人掌爲

五齊三酒。祭祀則共奉之。以役世婦。共賓客之禮。酒飲酒而奉之。凡事共酒而入于酒府。凡祭祀共酒以往。賓客之陳酒亦如之。漿人掌共王之六飲。水、漿、醴、涼、醫、醕。入于酒府。共賓客之稍禮。共夫人致飲于賓客之禮。清醴醫醕糟而奉之。凡飲共之。凌人掌冰。正歲十有二月。令斬冰。三其凌。春始治鑑。凡外內饗之膳羞。鑑焉。凡酒漿之酒醴亦如之。祭祀共冰鑑。賓客共冰。大喪共夷槃冰。夏頒冰。掌事。秋刷。○籩人。奄一人。女籩十人。奚二十人。○醢人。奄一人。女醢二十人。奚四十人。○醢人。奄二人。女醢二十人。奚四十人。○鹽人。奄二人。女鹽二十人。奚四十人。○冪人。奄一人。女冪十人。奚二十人。籩人掌四籩之實。朝事之籩。其實粢、蕡、白、黑、形、臠、臠、鮑、魚、鱸、饋食之籩。其實棗、棗、桃、乾、榛、實。加籩之實。菱、芡、栗、脯、菱、芡、栗、脯。羞籩之實。糗、餌、粉、餈。凡祭祀共其籩。薦籩羞之實。喪事及賓客之事。共其薦籩。羞籩爲王及后世子。共其內羞。凡籩事。掌之。醢人掌四豆之實。朝事之豆。其實韭、菹、醢、醢、昌本、麋、鸕、菁、菹、鹿、鸕、芡、菹、鸕、饋食之豆。其實葵、菹、羸、醢、脾、析、麋、醢、蜃、蜃、醢、豚、拍、魚、醢。加豆之實。芹、菹、兔、醢、深蒲、醢、醢、落、菹、鴈、醢、筍、菹、魚、醢。羞豆之實。醢食。糝食。凡祭祀共薦羞之豆。實。賓客喪紀亦如之。爲王及后世子。共其內羞。王舉則共醢六十。籩以五齊。七醢。以五齊。七醢。七菹。三鸕。實之。賓客之禮。共醢五十。籩。凡事共醢。醢人掌共五齊。七菹。凡醢物。以共祭祀之齊。菹。凡醢醬之物。賓客亦如之。王舉則共齊。菹。醢物六十。籩。共后及世子之醬。齊。菹。賓客之禮。共醢五十。時。凡事共醢。鹽人掌鹽之政令。以共百事之鹽。祭祀共其苦鹽。散鹽。賓客供其形鹽。散鹽。王之膳羞。共飴鹽。后及世子亦如之。凡齊事。鬻鹽以待戒令。冪人掌共巾。冪。祭

祀以疏布巾冪八尊。以畫布巾冪六彝。凡王巾皆黼。○宮人中士四人。下士八人。府二人。史四人。胥八人。徒八十人。 ○掌舍下士四人。府二人。

史四人。徒四十人。 ○幕人下士一人。府二人。史二人。徒四十人。 ○掌次下十四人。府四人。史二人。徒八十人。 宮人掌王之六寢之脩。為其井。區。除其

不蠲。去其惡臭。共王之沐浴。凡寢中之事。埽除。執燭。共鑪炭。凡勞事四方之舍事。亦如之。 掌舍掌王之

會同之舍。設檣。桓。再重。設車宮。轅門。為壇。壝。宮。棘門。為帷宮。設旌門。無宮。則共人門。凡舍事。則掌之。 幕

人掌帷幕。幄。帟。綬之事。凡朝覲。會同。軍旅。田役。祭祀。共其帷幕。幄。帟。綬。大喪。共其帷幕。帟。綬。三公及卿大夫

之喪。共其帟。 掌次掌王次之法。以待張事。王大旅上帝。則張氈案。設皇邸。朝日祀五帝。則張大次小次。

設重帟。重案。合諸侯。亦如之。師田。則張幕。設重帟。重案。諸侯朝覲會同。則張大次小次。師田。則張幕。設案。

孤卿有邦事。則張幕。設案。凡喪。王則張帟。三重。諸侯再重。孤卿大夫不重。凡祭祀。張其旅幕。張尸次。射。則

張耦次。掌凡邦之張事。○大府下大夫二人。上士四人。下士八人。府四人。史八人。賈十有六人。胥八人。徒八十人。 ○玉府上士二人。中士四人。府二人。史二人。工八人。賈八

人。胥四人。徒四十有八人。 ○內府中士二人。府一人。史二人。徒十人。 ○外府中士二人。府一人。史二人。徒十人。 大府掌九貢九賦九功之貳。以受

其貨。賄之入。頒其貨于受藏之府。頒其賄于受用之府。凡官府都鄙之吏及執事者。受財用焉。凡頒財。以

式法授之。關市之賦。以待王之膳服。邦中之賦。以待賓客。四郊之賦。以待稍秣。家削之賦。以待匪頒。邦甸

之賦。以待工事。邦縣之賦。以待幣帛。邦都之賦。以待祭祀。山澤之賦。以待喪紀。幣餘之賦。以待賜予。凡邦

國之貢。以待弔用。凡萬民之貢。以充府庫。凡式貢之餘財。以供玩好之用。凡邦之賦。用取具焉。歲終。則以

貨賄之入出會之。玉府掌王之金玉玩好兵器。凡良貨賄之藏。共王之服玉佩玉珠玉。王齊則共食玉。大喪共舍玉。復視裳。角枕角衾。掌王之燕衣服。衽席牀第。凡褻器。若合諸侯。則共珠槃玉敦。凡王之獻金。玉兵器文織。良貨賄之物。受而藏之。凡王之好賜。共其貨賄。內府掌受九貢九賦九功之貨賄。良兵良器。以待邦之大用。凡四方之幣獻之金玉齒革兵器。凡良貨賄入焉。凡適四方使者。共其所受之物而奉之。凡王及冢宰之好賜予。則共之。外府掌邦布之入出。以共百物。而待邦之用。凡有法者。共王及后世子之衣服之用。凡祭祀。賓客。喪紀。會同。軍旅。共其財用之幣。齎賜予之財用。凡邦之小用。皆受焉。歲終。則會。唯王及后之服不會。○司會。中大夫二人。下大夫四人。上士八人。中士十有二人。史八人。徒五十人。○司書。上士二人。中士四人。府二人。史四人。徒八十人。○職內。上士二人。中士四人。府四人。史四人。徒二十人。○職歲。上士四人。中士八人。府四人。史八人。徒八十人。○職幣。上士二人。中士四人。府二人。史二人。徒二十人。司會掌邦之六典八法八則之貳。以逆邦國都鄙官府之治。以九貢之法。致邦國之財用。以九賦之法。令田野之財用。以九功之法。令民職之財用。以九式之法。均節邦之財用。掌國之官府郊野縣都之百物財用。凡在書契版圖者之貳。以逆羣吏之治。而聽其會計。以參互攷日成。以月要攷月成。以歲會攷歲成。以周知四國之治。以詔王及冢宰廢置。司書掌邦之六典八法八則九職九正九事。邦中之版。土地之圖。以周知入出百物。以鈇其財。受其幣。使入于職幣。凡上之用財用。必攷于司會。三歲。則大計羣吏之治。以知民之財。器械之數。以知田野夫家六畜之數。以知山林川澤之數。以逆羣吏之徵令。凡稅斂。掌事者受

法焉。及事成，則入要貳焉。凡邦治，攷焉。職內掌邦之賦入，辨其財用之物而執其總，以貳官府都鄙之財入之數，以逆邦國之賦用。凡受財者，受共貳令而書之。及會，以逆職歲，與官府財用之出，而敘其材，以待邦之移用。職歲掌邦之賦出，以貳官府都鄙之財出賜之數，以待會計而考之。凡官府都鄙羣吏之出財用，受式法于職歲。凡上之賜予，以敘與職幣授之。及會，以式法贊逆會。職幣掌式法以敘官府都鄙，與凡用邦財者之幣，振掌事者之餘財，皆辨其物而奠其錄，以書褐之。以詔上之小用賜予。歲終，則會其出。凡邦之會事，以式法贊之。○司裘，中士二人，下士四人，府二人，史四人，徒四十人。○掌皮，下士四人，府三人，史四人，徒四十人。司裘掌為大裘，以共王祀天之服。中秋，獻良裘。王乃行羽物。季秋，獻功裘，以待頒賜。王大射，則共虎侯、熊侯、豹侯，設其鵠。諸侯則共熊侯、豹侯。卿大夫則共麋侯，皆設其鵠。大喪，廡裘，飾皮車。凡邦之皮事，掌之。歲終，則會。唯王之裘，與其皮事不會。掌皮掌秋斂皮，冬斂革，春獻之。遂以式法頒皮革于百工，共其毳毛為氈，以待邦事。歲終，則會其財。○內宰，下大夫二人，上士四人，中士八人，府四人，史八人，胥八人，徒八十人。○內小臣，奄上士四人，史二人，徒八人。○閹人，王宮每門四，人，圍游亦如之。○寺人，下之正內五人，倍寺人。內宰掌書版圖之法，以治王內之政令，均其稍食，分其人民，以居之。以陰禮教六宮，以陰禮教九嬪，以婦職之法教九御，使各有屬，以作二事，正其服，禁其奇裘，展其功緒。大祭祀，后裸獻，則贊瑤爵，亦如之。正后之服位，而詔其禮樂之義，贊九嬪之禮事。凡賓客之裸獻，瑤爵，皆贊。致后之賓客之禮，凡喪事，佐后使治外內命婦，正其服位。凡建國，佐后立市，設其次，置其敘，正其肆，陳



其貨賄。出其度量。淳制祭之。以陰禮。中春。詔后帥外內命婦。始蠶于北郊。以爲祭服。歲終。則會內人稍食。稽其功事。佐后而受獻功者。比其小大。與其麤良。而賞罰之。會內宮之財用。正歲。均其稍食。施其功事。憲禁令于王之北宮。而糾其守。上春。詔王后帥六宮之人。而生種稷之種。而獻之于王。內小臣掌王后之命。正其服位。后出入。則前驅。若有祭祀。賓客。喪紀。則擯。詔后之禮事。相九嬪之禮事。正內人之禮事。徹后之俎。后有好事于四方。則使往。有好令于卿大夫。則亦如之。掌王之陰事。陰命。閹人掌守王宮之中門之禁。喪服凶器不入宮。潛服賊器不入宮。奇服怪民不入宮。凡內人公器。賓客無帥。則幾其出入。以時啓閉。凡外內命夫命婦出入。則爲之闢。掌埽門庭。大祭祀。喪紀之事。設門燎。蹕宮門廟門。凡賓客。亦如之。寺人掌王之內人及女宮之戒令。相道其出入之事。而糾之。若有喪紀。賓客。祭祀之事。則帥女宮而致于有司。佐世婦治禮事。掌內人之禁令。凡內人弔臨于外。則帥而往。立于其前。而詔相之。內豎掌外內之通令。凡小事。若有祭祀。賓客。喪紀之事。則爲內人蹕。王后之喪。遷于宮中。則前蹕。及葬。執熟器以從。遣車。○九嬪。○世嬀。○女御。○女祝。四人。奚八人。○女史。八人。奚十有六人。九嬪掌婦學之法。以教九御。婦德。婦言。婦容。婦功。各帥其屬。而以時御。敍于王。所凡祭祀。贊玉。齋。贊后。薦徹豆籩。若有賓客。則從后。大喪。帥敍哭者。亦如之。世婦掌祭祀。賓客。喪紀之事。帥女官而濯。概爲盥盛。及祭之日。涖陳女宮之具。凡內羞之物。掌弔臨于卿大夫之喪。女御掌御敍于王之燕寢。以歲時獻功事。凡祭祀。贊世婦。大喪。掌沐浴后之喪。持鬢。從

世婦而弔于卿大夫之喪。女祝掌王后之內祭祀。凡內禱祠之事。掌以時招梗膾禴禘之事。以除疾殃。

女史掌王后之禮職。掌內治之貳。以詔后治內政。逆內宮。書內令。凡后之事。以禮從。○典婦功。中士二人。下士四人。

府二人。史四人。下四人。賈四人。徒二十人。○典絲。下士二人。府二人。史二人。○典枲。下士二人。府二人。史二人。徒二十人。○內司服。奄一人。女御二人。史二人。下四人。賈四人。徒二十人。○染人。下士二人。府二人。史二人。徒二十人。○追師。下士二人。府一人。史二人。徒四人。○屨人。下士二人。

府一人。史一人。工八人。徒四人。○夏采。下士四人。史一人。徒四人。典婦功掌婦式之法。以授嬪婦及內人女功之事。齋凡授嬪

婦功及秋獻功。辨其苦良。比其小大而賈之。物書而楬之。以共王及后之用。頒之于內府。典絲掌絲人

而辨其物。以其賈楬之。掌其藏。與其出。以待興功之時。頒絲于外內。工皆以物授之。凡上之賜予。亦如之。

及獻功。則受良功而藏之。辨其物而書其數。以待有司之政令。上之賜予。凡祭祀。共黼畫組就之物。喪紀

共其絲纁組文之物。凡飾邦器者。受文織絲組焉。歲終。則各以其物會之。典枲掌布總縷紵之麻草之

物。以待時頒功而授齋。及獻功。受苦功。以其賈楬而藏之。以待時頒。頒衣服。授之。賜予。亦如之。歲終。則各

以其物會之。內司服掌王后之六服。禕衣。揄狄。闕狄。鞠衣。展衣。緣衣。素沙。辨外內命婦之服。鞠衣。展衣。

緣衣。素沙。凡祭祀賓客。其后之衣服。及九嬪世婦。凡命婦。共其衣服。共喪衰。亦如之。后之喪。共其衣服。凡

內具之物。縫人掌王宮之縫線之事。以役女御。以縫王及后之衣服。喪縫棺飾焉。衣嬰柳之材。掌凡內

之縫事。染人掌染絲帛。凡染。春暴練。夏纁玄。秋染夏。冬獻功。掌凡染事。追師掌王后之首服。為副。編

之縫事。染人掌染絲帛。凡染。春暴練。夏纁玄。秋染夏。冬獻功。掌凡染事。追師掌王后之首服。為副。編

次追衡、笄、爲九嬪及外內命婦之首服。以待祭祀賓客、喪紀。其笄、絰亦如之。屨人掌王及后之服屨。爲赤鳥、黑鳥、赤纒、黃纒、青句、素屨、葛屨。辨外內命婦之命屨、功屨、散屨。凡四時之祭祀、以宜之服。夏采、掌大喪、以冕服復于太祖、以乘車、建綬復于四郊。

### 地官司徒二

【周禮】惟王建國、辨方正位、體國經野、設官分職、以爲民極。乃立地官司徒、使帥其屬而掌邦教。以佐王安擾邦國。教官之屬：○大司徒、卿十人、小司徒、中大夫二人、鄉師、下大夫四人、上士八人、中士十有六人、旅下士三十有二人、大司徒之職、掌建邦之土地之圖、與其人民之數、以佐王安擾邦國。以天下土地之圖、周知九州之地域、廣輸之數、辨其山林、川澤、丘陵、墳衍、原隰之名物、而辨其邦國都鄙之數、制其畿疆而溝封之、設其社稷之壇、而樹之田主、各以其野之所宜木、遂以名其社與其野。以土會之法、辨五地之物生：一曰山林、其動物宜毛物、其植物宜阜物、其民毛而方。二曰川澤、其動物宜鱗物、其植物宜膏物、其民黑而津。三曰丘陵、其動物宜羽物、其植物宜穀物、其民專而長。四曰墳衍、其動物宜介物、其植物宜莢物、其民皙而瘠。五曰原隰、其動物宜羸物、其植物宜叢物、其民豐肉而庫。因此五物者、民之常而施十有二教焉：一曰以祀禮教敬、則民不苟。二曰以陽禮教讓、則民不爭。三曰以陰禮教親、則民不怨。四曰以樂禮教和、則民不乖。五曰以儀辨等、則民不越。六曰以俗教安、則民不偷。七曰以刑教中、則民不競。八曰以誓教恤、則民不怠。

九曰以度教節。則民知足。十曰以世事教能。則民不失職。十有一曰以賢制爵。則民慎德。十有二曰以庸制祿。則民興功。以土宜之法。辨十有二土之名物。以相民宅。而知其利害。以阜人民。以蕃鳥獸。以毓草本。以任土事。辨十有二壤之物。而知其種。以教稼穡樹藝。以土均之法。辨五物九等。測天下之地。征以作民職。以令地貢。以斂財賦。以均齊天下之政。以土圭之法。測土深。正日景。以求地中。日南則景短。多暑。日北則景長。多寒。日東則景夕。多風。日西則景朝。多陰。日至之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。制其畿方千里。而封樹之。凡建邦國。以土圭土其地。而制其域。諸公之地。封疆方五百里。其食者半。諸侯之地。封疆方四百里。其食者參之一。諸伯之地。封疆方三百里。其食者參之一。諸子之地。封疆方二百里。其食者四之一。諸男之地。封疆方百里。其食者四之一。凡造都鄙。制其地域。而封溝之。以其室數制之。不易之地。家百畝。一易之地。家二百畝。再易之地。家三百畝。乃分地職。奠地守。制地貢。而頒職事焉。以爲地法。而待政令。以荒政。十有二聚萬民。一曰散利。二曰薄征。三曰緩刑。四曰弛力。五曰舍禁。六曰去幾。七曰眚禮。八曰殺哀。九曰蕃樂。十曰多昏。十有一曰索鬼神。十有二曰除盜賊。以保息。六養萬民。一曰慈幼。二曰養老。三曰振窮。四曰恤貧。五曰寬疾。六曰安富。以本俗。六安萬民。一曰燬宮室。二曰族墳墓。三曰聯兄弟。四曰聯師儒。五曰聯朋友。六曰同衣服。正月之吉。始和。布教于邦國都鄙。乃縣教象之法于象魏。使萬民觀教象。挾日而斂之。乃施教法于

邦國都鄙。使之各以教其所治民。令五家爲比。使之相保。五比爲閭。使之相受。四閭爲族。使之相葬。五族爲黨。使之相救。五黨爲州。使之相調。五州爲鄉。使之相賓。頒職事十有二于邦國都鄙。使以登萬民。一曰稼穡。二曰樹藝。三曰作材。四曰阜蕃。五曰飭材。六曰通財。七曰化材。八曰斂材。九曰生材。十曰學藝。十有一曰世事。十有二曰服事。以鄉三物教萬民而賓興之。一曰六德。知、仁、聖、義、忠、和。二曰六行。孝、友、睦、婣、任、恤。三曰六藝。禮、樂、射、御、書、數。以鄉八刑糾萬民。一曰不孝之刑。二曰不睦之刑。三曰不婣之刑。四曰不弟之刑。五曰不任之刑。六曰不恤之刑。七曰造言之刑。八曰亂民之刑。以五禮防萬民之僞。而教之中。以六樂防萬民之情。而教之和。凡萬民之不服教。而有獄訟者。與有地治者。聽而斷之。其附于刑者。歸于士。祀五帝。奉牛牲。羞其肆。享先王。亦如之。大賓客。令野脩道委積。大喪。帥六鄉之衆庶。屬其六引。而治其政令。大軍旅。大田役。以旗致萬民。而治其徒庶之政令。若國有大故。則致萬民于王門。令無節者不行于天下。大荒大札。則令邦國移民通財。舍禁弛力。薄征緩刑。歲終。則令教官正治而致事。正歲。令于教官曰。各其爾職。修乃事。以聽王命。其有不正。則國有常刑。小司徒之職。掌建邦之教法。以稽國中及四郊都鄙之夫家九比之數。以辨其貴賤老幼廢疾。凡征役之施舍。與其祭祀飲食喪紀之禁令。乃頒比法于六鄉之大夫。使各登其鄉之衆寡六畜車輦。辨其物。以歲時入其數。以施政教。行徵令。及三年。則大比。大比。則受邦國之比要。乃會萬民之卒伍而用之。五人爲伍。五伍爲兩。四兩爲卒。五卒爲旅。五旅爲師。五師爲軍。以

起軍旅。以作田役。以比追胥。以令貢賦。乃均土地。以稽其人民。有周知其數。上地家七人。可任也。者家三人。中地家六人。可任也。者二家五人。下地家五人。可任也。者家二人。凡起徒役。毋過家一人。以其餘爲羨。唯田與追胥竭作。凡用衆庶。則掌其政教。與其戒禁。聽其詞訟。施其賞罰。誅其犯命者。凡國之大事。致民大故。致餘子。乃經土地而井牧其田野。九夫爲井。四井爲邑。四邑爲丘。四丘爲甸。四甸爲縣。四縣爲都。以任地事而令貢賦。凡稅斂之事。乃分地域而辨其守。施其職而平其政。凡小祭祀。奉牛牲。羞其肆。小賓客。令野脩道委積。大軍旅。帥其衆庶。小軍旅。巡役。治其政令。大喪。帥邦役。治其政教。凡建邦國。立其社稷。正其畿疆之封。凡民訟。以地比正之。地訟。以圖正之。歲終。則考其屬官之治成而誅賞。令羣吏正要會而致事。正歲。則帥其屬而觀教法之象。徇以木鐸。曰。不用法者。國有常刑。令羣吏憲禁之。脩法糾職。以待邦治。及大比。六鄉四郊之吏。平教治。正政事。攷夫屋。及其衆寡。六畜兵器。以待政令。鄉師之職。各掌其所治鄉之教。而聽其治。以國比之法。以時稽其夫家衆寡。辨其老幼貴賤廢疾。馬牛之物。辨其可任者。與其施舍者。掌其戒令糾禁。聽其獄訟。大役。則帥民徒而至。治其政令。旣役。則受州里之役要。以攷司空之辟。以逆其役事。凡邦事。令作秩敘。大祭祀。羞牛牲。共茅菹。大軍旅會同。正治其徒役。與其輦輦。戮其犯命者。大喪用役。則帥其民而至。遂治之。及葬。執蠹。以與匠師御匱而治役。及窆。執斧以涖匠師。凡四時之田。前期出田法于州里。簡其鼓鐸旗物兵器。脩其卒伍。及期。以司徒之大旗。致衆庶而陳之。以旗物辨鄉邑。而治

其政令刑禁。巡其前後之屯。而戮其犯命者。斷其爭禽之訟。凡四時之徵令有常者。以木鐸徇于市朝。以歲時巡國及野。而調萬民之躅。阨以王命施惠。歲終則攷六鄉之治。以詔廢置。正歲稽其鄉器。比共吉凶。二服。閭共祭器。族共喪器。黨共射器。州共賓器。鄉共吉凶禮樂之器。若國大比。則攷教察辭。稽器展事。以詔誅賞。○鄉老。二鄉則公一人。○鄉大夫。每鄉卿一人。○州長。每州中大夫一人。○黨正。每黨下大夫一人。○族師。每族上士一人。○閭胥。每閭中士一人。○比長。每家下士一人。○鄉老。闕。鄉大夫之職。各掌其鄉之政教禁令。正月之吉。受教法于司徒。退而頒之于其鄉吏。使各以教其所治。以攷其德行。察其道藝。以歲時登其夫家之衆寡。辨其可任者。國中自七尺以及六十。野自六尺以及六十有五。皆征之。其舍者。國中貴者。賢者。能者。服公事者。老者。疾者。皆舍。以歲時入其書。三年。則大比。攷其德行道藝。而興賢者能者。鄉老及鄉大夫帥其吏與其衆寡。以禮禮賓之。厥明。鄉老及鄉大夫羣吏獻賢能之書于王。王再拜受之。登于天府。內史貳之。退而以鄉射之禮。五物詢衆庶。一曰和。二曰容。三曰主皮。四曰和容。五曰與舞。此謂使民興賢。出使長之。使民興能。入使治之。歲終。則令六鄉之吏皆會政致事。正歲令羣吏攷法于司徒。以退。各憲之于其所治。國大詢于衆庶。則各帥其鄉之衆寡而攷。國有大故。則令民各守其閭。以待政令。以旌節輔令。則達之。州長各掌其州之教治。政令之法。正。吉各屬其州之民而讀法。以攷其德行道藝。而勸之以糾其過惡。而戒之。若以歲時祭祀州社。則屬其民而讀法。亦如之。春秋以禮會民而射于州序。凡州之大祭祀大喪。皆蒞其事。若國作民而

師田行役之事。則帥而致之。掌其戒令。與其賞罰。歲終。則會其州之政令。正歲。則讀教法如初。三年大比。則大攷州里。以贊鄉大夫之廢興。黨正各掌其黨之政令。教治。及四時之孟月吉日。則屬民而讀邦法。以糾戒之。春秋祭禘。亦如之。國索鬼神而祭祀。則以禮屬民而飲酒于序。以正齒位。壹命齒于鄉里。再命齒于父族。三命而不齒。凡其黨之祭祀。喪紀。婚冠。飲酒。教其禮事。掌其戒禁。凡作民而師田行役。則以其法治其政事。歲終。則會其黨政。帥其吏而致事。正歲。屬民讀法。而書其德行道藝。以歲時涖校比。及大比。亦如之。族師各掌其族之戒令。政事。月吉。則屬民而讀邦法。書其孝弟。睦婣。有學者。春秋祭酺。亦如之。以邦比之法。帥四閭之吏。以時屬民而校登其族之夫家衆寡。辨其貴賤。老幼。廢疾。可任者。及其六畜。車輦。五家爲比。十家爲聯。五人爲伍。十人爲聯。四閭爲族。八閭爲聯。使之相保。相受。刑罰。慶賞。相及。相共。以受邦職。以役國事。以相葬埋。若作民而師田行役。則合其卒伍。簡其兵器。以鼓鐸旗物。帥而至。掌其治令。戒禁。刑罰。歲終。則會政致事。閭胥各掌其閭之徵令。以歲時各數其閭之衆寡。辨其施舍。凡春秋之祭祀。役。政。喪。紀之數。聚衆庶。旣比。則讀法。書其敬敏。任恤者。凡事。掌其比。饋。撻。罰之事。比長各掌其比之治。五家相受。相和。親。有舉奇。衰。則相及。徙于國中及郊。則從而授之。若徙于他。則爲之旌節而行之。若無授。無節。則唯圍土內之。○封人。中士四人。下士八人。府二人。史四人。胥六人。徒六十人。封人掌設王之社壝。爲畿。封而樹之。凡封國。設其社稷之壇。封其四疆。造都邑之封域者。亦如之。令社稷之職。凡祭祀。飾其牲。設其楅衡。置其絛。



共其水橐。歌舞牲及毛炮之豚。凡喪紀賓客軍旅大盟則飾其牛牲。○鼓人。中士六人。府二人。史二人。徒二十人。○舞師。下士二人。胥四人。徒四十人。鼓人掌教六鼓四金之音聲。以節聲樂。以和軍旅。以正田役。教爲鼓而辨其聲用。以雷鼓鼓

神祀。以靈鼓鼓社祭。以路鼓鼓鬼享。以鼗鼓鼓軍事。以鼙鼓鼓役事。以晉鼓鼓金奏。以金鐃和鼓。以金鐃

節鼓。以金鐃止鼓。以金鐃通鼓。凡祭祀百物之神。鼓兵舞。帔舞者。凡軍旅夜鼓。鼙軍動則鼓其衆。田役亦

如之。救日月則詔王鼓。大喪則詔大僕鼓。舞師掌教兵舞。帥而舞。山川之祭祀。教帔舞。帥而舞。社稷之

祭祀。教羽舞。帥而舞。四方之祭祀。教皇舞。帥而舞。旱暵之事。凡野舞則皆教之。凡小祭祀不興舞。○牧人。

下士六人。府一人。史二人。徒六十人。○牛人。中士二人。下士四人。府二人。史四人。胥二十人。徒二百人。○充人。下士二人。史二人。胥四人。徒四十人。牧人掌牧六牲而阜蕃其物。

以共祭祀之牲。牲。凡陽祀用騂牲。毛之陰祀用黝牲。毛之望祀各以其方之色牲。毛之凡時祀之牲必用

牲。物。凡外祭毀事用尨可也。凡祭祀共其犧牲。以授充人繫之。凡牲不繫者共奉之。牛人掌養國之公

牛。以待國之政令。凡祭祀共其享牛求牛。以授職人而芻之。凡賓客之事共其牢禮。積膳之牛。饗食賓射

共其膳羞之牛。軍事共其犒牛喪事共其奠牛。凡會同軍旅行役共其兵車之牛。與其牽筴。以載公任器

凡祭祀共其牛牲之互。與其盆簠以待事。充人掌繫祭祀之牲。牲。祀五帝則繫于牢芻之。三月享先王

亦如之。凡散祭祀之牲繫于國門。使養之。展牲則告牲。頌牲則贊。○載師。上士二人。中士四人。府二人。史四人。胥六人。徒六十人。○

閭師。中士二人。史二人。徒二十人。○縣師。上士二人。中士四人。府二人。史四人。胥八人。徒八十人。○遺人。中士二人。下士四人。府四人。史四人。胥四人。徒四十人。○均人。中士

二人。下士四人。府二人。史四人。胥四人。徒四十人。

載師掌任土之法。以物地事。授地職。而待其政令。以廛里任國中之地。以場

圃任園地。以宅田士田賈田任近郊之地。以官田牛田賞田牧田任遠郊之地。以公邑之田任甸地。以家邑之田任稍地。以小都之田任縣地。以大都之田任疆地。凡任地。國宅無征。園廩二十而一。近郊十一。遠郊二十而三。甸稍縣都皆無過十二。唯其漆林之征。二十而五。凡宅不毛者。有里布。凡田不耕者。出屋粟。凡民無職事者。出夫家之征。以時徵其賦。閭師掌國中及四郊之人民。六畜之數。以任其力。以待其政令。以時徵其賦。凡任民。任農以耕事。貢九穀。任圃以樹事。貢草木。任工以飭材事。貢器物。任商以市事。貢貨賄。任牧以畜事。貢鳥獸。任嬪以女事。貢布帛。任衡以山事。貢其物。任虞以澤事。貢其物。凡無職者。出夫布。凡庶民不畜者。祭無牲。不耕者。祭無盛。不樹者。無椁。不蠶者。不帛。不績者。不裘。縣師掌邦國都鄙稍甸郊里之地域。而辨其夫家人民田萊之數。及其六畜車輦之稽。三年大比。則以攷羣吏。而以詔廢置。若將有軍旅。會同田役之戒。則受法于司馬。以作其衆庶。及馬牛車輦。會其車人之卒伍。使皆備旗鼓兵器。以帥而至。凡造都邑。量其地。辨其物。而制其域。以歲時徵野之賦貢。遣人掌邦之委積。以待施惠。鄉里之委積。以恤民之難阨。門關之委積。以養老孤。郊里之委積。以待賓客。野鄙之委積。以待羈旅。縣都之委積。以待凶荒。凡賓客會同師役。掌其道路之委積。凡國野之道。十里有廬。廬有飲食。三十里有宿。宿有路室。路室有委。五十里有市。市有候館。候館有積。凡委積之事。巡而比之。以時頒之。均人掌均地政。均地

守均地職。均人民牛馬車輦之力。政凡均力。政以歲上下。豐年則公旬用三日焉。中年則公旬用二日焉。

無年則公旬用一日焉。凶札則無力。政無財賦。不收地守地職。不均地政。三年大比。則大均。○師氏。夫一

人。上士二人。府二人。史二人。胥十有二人。徒百有二十人。○保氏。下大夫一人。中士二人。府二人。史二人。胥六人。徒六十人。○司諫。中士二人。史二人。徒二十人。○司救。史二人

十人。徒二十人。史二人。○媒氏。下士二人。史二人。徒十人。師氏掌以媿詔王。以三德教國子。一曰至德。以為

道本。二曰敏德。以為行本。三曰孝德。以知逆惡。教三行。一曰孝行。以親父母。二曰友行。以尊賢良。三曰順

行。以事師長。居虎門之左。司王朝。掌國中失之事。以教國子弟。凡國之貴遊子弟。學焉。凡祭祀賓客會同。

喪紀。軍旅。王舉。則從。聽治。亦如之。使其屬帥四夷之隸。各以其兵服。守王之門外。且蹕。朝在野外。則守內

列。保氏掌諫王惡。而養國子以道。乃教之六藝。一曰五禮。二曰六樂。三曰五射。四曰五馭。五曰六書。六

曰九數。乃教之六儀。一曰祭祀之容。二曰賓客之容。三曰朝廷之容。四曰喪紀之容。五曰軍旅之容。六曰

車馬之容。凡祭祀賓客會同喪紀。軍旅。王舉。則從。聽治。亦如之。使其屬守王闈。司諫掌糾萬民之德。而

勸之朋友。正其行。而強之道藝。巡問而觀察之。以時書其德行道藝。辨其能。而可任于國事者。以攷鄉里

之治。以詔廢置。以行赦宥。司救掌萬民之袞惡。過失而誅讓之。以禮防禁。而救之。凡民之有袞惡者。三

讓而罰。三罰而士加明刑。恥諸嘉石。役諸司空。其有過失者。三讓而罰。三罰而歸于圜土。凡歲時有天患

民病。則以節巡國中及郊野。而以王命施惠。調人掌司萬民之難。而諧和之。凡過而殺傷人者。以民成

之鳥獸亦如之。凡和難。父之讎。辟諸海外。兄弟之讎。辟諸千里之外。從父兄弟之讎。不同國。君之讎。眡。父師長之讎。眡。兄弟。主友之讎。眡。從父兄弟。弗辟。則與之瑞節。而以執之。凡殺人。有反殺者。使邦國交讎之。凡殺人而義者。不同國。令勿讎。讎之。則死。凡有鬪怒者。成之。不可成者。則書之。先動者。誅之。媒氏掌萬民之判。凡男女自成名以上。皆書年月日名焉。令男三十而娶。女二十而嫁。凡娶判妻。入子者。皆書之。中春之月。令會男女。于是時也。奔者不禁。若無故而不用令者。罰之。司男女之無夫家者而會之。凡嫁子娶妻。入幣純帛。無過五兩。禁遷葬者。與嫁殤者。凡男女之陰訟。聽之于勝國之社。其附于刑者。歸之于士。○司市。下大夫二人。上士四人。中士八人。下士十有六人。府四人。史八人。胥十有二人。徒百有二十人。○質人。中士二人。下士四人。府二人。史四人。胥二人。徒二十人。○廛人。中士二人。下士四人。府二人。史四人。胥二人。徒二十人。○胥師。二十肆則一人。皆二史。○司競。十肆則一人。○司稽。五肆則一人。○胥。二肆則一人。每肆則一人。○泉府。上士四人。中士八人。下士十有六人。府四人。史八人。賈八人。徒八人。司市掌市之治。教政刑。量度禁令。以次敘分地。而經市。以陳肆辨物。而平市。以政令禁物。靡而均市。以商賈阜貨。而行布。以量度成賈。而徵儻。以質劑結信。而止訟。以賈氏禁僞。而除詐。以刑罰禁競。而去盜。以泉府同貨。而斂賒。大市日昃而市。百族為主。朝市朝時而市。商賈為主。夕市夕時而市。販夫販婦為主。凡市入。則胥執鞭度守門。市之羣吏。平肆。展成。奠賈。上旌于思次。以令市。市師蒞焉。而聽大治。大訟。胥師賈師。蒞于介次。而聽小治。小訟。凡萬民之期于市者。辟布者。量度者。刑戮者。各于其地之敘。凡得貨賄六畜者。亦如之。三日而舉之。凡治市之貨賄六畜珍異。

亡者使有利者使阜。害者使亡。靡者使微。凡通貨賄。以蠶節出入之。國凶荒札喪。則市無征而作布。凡市僞飾之禁。在民者十有二。在商者十有二。在賈者十有二。在工者十有二。市刑。小刑憲罰。中刑徇罰。大刑扑罰。其附于刑者。歸于士。國君過市。則刑人赦。夫人過市。罰一幕。世子過市。罰一帑。命夫過市。罰一蓋。命婦過市。罰一帷。凡會同師役。市司帥賈師而從。治其市政。掌其賣儻之事。質人掌成市之貨賄。人民牛馬兵器珍異。凡賣儻者質劑焉。大市以質。小市以劑。掌稽市之書契。同其度量。壹其淳制。巡而攷之。犯禁者。舉而罰之。凡治質劑者。國中一旬。郊二旬。野三旬。都三月。邦國。其期內聽。期外不聽。廛人掌斂市款布。總布。質布。罰布。廛布。而入于泉府。凡屠者。斂其皮角筋骨。入于玉府。凡珍異之有滯者。斂而入于膳府。胥師各掌其次之政令。而平其貨賄。憲刑禁焉。察其詐僞飾行儻。隱者而誅罰之。聽其小治。小訟而斷之。賈師各掌其次之貨賄之治。辨其物而均平之。展其成而奠其賈。然後令市。凡天患。禁貴儻者。使有恆賈。四時之珍異。亦如之。凡國之賣儻。各師其屬而嗣掌其月。凡師役會同。亦如之。司虢掌憲市之禁令。禁其鬪鬪者。與其虢亂者。出入相陵犯者。以屬遊飲食于市者。若不可禁。則搏而戮之。司稽掌巡市而察其犯禁者。與其不物者。而搏之。掌執市之盜賊。以徇且刑之。胥各掌其所治之政。執鞭度而巡其前。掌其坐作出入之禁令。襲其不正者。凡有罪者。撻戮而罰之。肆長各掌其肆之政令。陳其貨賄。名相近者相遠也。實相近者相爾也。而平正之。斂其總布。掌其戒禁。泉府掌以市之征布。斂市之不售貨之

滯于民用者。以其賈買之物。揭而書之。以待不時而買者。買者各從其抵。都鄙從其主。國人郊人從其有。司。然後予之。凡賒者。祭祀無過旬日。喪紀無過三月。凡民之貸者。與其有司辨而授之。以國服爲之息。凡

國事之財用。取具焉。歲終。則會其出入而納其餘。○司門。下大夫二人。上士四人。中士八人。下士十有六人。府二人。史四人。胥四人。徒四十人。每門下士二人。府一人。

史二人。徒四人。○司關。上士二人。中士四人。府二人。史四人。胥八人。徒八人。史四人。胥四人。徒四十人。每門下士二人。府一人。○掌節。上士二人。中士四人。府二人。史四人。胥二人。徒二十人。司門

掌授管鍵。以啓閉國門。幾出入不物者。正其貨賄。凡財物犯禁者。舉之。以其財養死政之老。與其孤。祭祀

之牛牲繫焉。監門養之。凡歲時之門。受其餘。凡四方之賓客造焉。則以告。司關掌國貨之節。以聯門市

司貨賄之出入者。掌其治禁。與其征塵。凡貨不出于關者。舉其貨。罰其人。凡所達貨賄者。則以節傳出之。

國凶札。則無關門之征。猶幾。凡四方之賓客敏關。則爲之告。有外內之送令。則以節傳出內之。掌節掌

守邦節。而辨其用。以輔王命。守邦國者。用玉節。守都鄙者。用角節。凡邦國之使節。山國用虎節。土國用人

節。澤國用龍節。皆金也。以英蕩輔之。門關用符節。貨賄用璽節。道路用旌節。皆有期。以反節。凡通達于天

下者。必有節。以傳輔之。無節者。有幾。則不達。○遂人。中大夫二人。下大夫四人。上士八人。中士十有六人。史十有二人。徒百有二十人。○遂大夫。每遂中大夫一人。下大夫二人。上士四人。中士十有二人。史十有二人。徒百有二十人。○縣正。每縣下大夫一人。下士十有二人。史十有二人。徒百有二十人。○鄙師。每鄙上士一人。下士十有二人。史十有二人。徒百有二十人。○鄴長。每鄴中士一人。下士十有二人。史十有二人。徒百有二十人。○里宰。每里下士一人。下士十有二人。史十有二人。徒百有二十人。○

鄰長。每家則一人。五家則一人。遂人掌邦之野。以土地之圖。經田野。造縣鄙形體之法。五家爲鄰。五鄰爲里。四里爲鄴。五鄴

爲鄙。五鄙爲縣。五縣爲遂。皆有地域溝樹之。使各掌其政令刑禁。以歲時稽其人民。而授之田野。簡其兵

爲鄙。五鄙爲縣。五縣爲遂。皆有地域溝樹之。使各掌其政令刑禁。以歲時稽其人民。而授之田野。簡其兵

器。教之稼穡。凡治野。以下劑致。以田里安。以樂昏擾。以土宜教。以勸利。以時器勸。以疆予任。以土均平政。辨其野之土。上地。中地。下地。以頒田里。上地。夫一廛。田百畝。萊五十畝。餘夫亦如之。中地。夫一廛。田百畝。萊百畝。餘夫亦如之。下地。夫一廛。田百畝。萊二百畝。餘夫亦如之。凡治野。夫閒有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。以歲時登其夫家之衆寡。及其六畜車輦。辨其老幼廢疾。與其施舍者。以頒職作事。以令貢賦。以令師田。以起政役。若起野役。則令各帥其所治之民而至。以遂之大旗致之。其不用命者。誅之。凡國祭祀。共野牲。令野職。凡賓客。令脩野道而委積。大喪。帥六遂之役而致之。掌其政令。及葬。帥而屬六綽。及窆。陳野。凡事致野役。而師田作野民。帥而至。掌其政治禁令。遂師各掌其遂之政令。戒禁。以時登其夫家之衆寡。六畜車輦。辨其施舍。與其可任者。經牧其田野。辨其可食者。周知其數。而任之以徵財。征。作役事。則聽其治訟。巡其稼穡。而移用其民。以救其時事。凡國祭祀。審其誓戒。共其野牲。入野職。野賦于玉府。賓客。則巡其道。脩。庀其委積。大喪。使帥其屬。以握幣。先道野役。及窆。抱磨。共丘籠。及蜃車之役。軍旅。田獵。平野民。掌其禁令。比敍其事。而賞罰。遂大夫各掌其遂之政令。以歲時稽其夫家之衆寡。六畜。田野。辨其可任者。與其可施舍者。以教稼穡。以稽功事。掌其政令。戒禁。聽其治訟。令爲邑者。歲終。則會政。致事。正歲。簡稼器。脩稼政。三歲。大比。則帥其吏。而與。明其有功者。屬其地治者。凡爲邑者。以四達戒其功事。而誅賞廢。

興之。縣正各掌其縣之政令。徵比以頒田里。以分職事。掌其治訟。趨其椽事。而賞罰之。若將用野民。師田行役。移執事。則帥而至。治其政令。既役。則稽功會事。而誅賞。鄙師各掌其鄙之政令。祭祀。凡作民。則掌其戒令。以時數其衆庶。而察其媿惡。而誅賞。歲終。則會其鄙之政。而致事。鄧長各掌其鄧之政令。以時校登其夫家。比其衆寡。以治其喪紀。祭祀之事。若作其民而用之。則以旗鼓兵革。帥而至。若歲時簡器。與有司數之。凡歲時之戒令。皆聽之。趨其耕耨。稽其女功。里宰掌比其邑之衆寡。與其六畜兵器。治其政令。以歲時合耦于耨。以治稼穡。趨其耕耨。行其秩序。以待有司之政令。而徵斂其財賦。鄰長掌相糾相受。凡邑中之政。相贊。徙于他邑。則從而授之。○旅師。中士四人。下士八人。府二人。史四人。徒八十人。○稍人。下士四人。史二人。徒十有二人。○委人。中士二人。下士四人。府二人。史四人。徒四十人。○土均。上士二人。中士四人。下士八人。府二人。史四人。徒四十人。○草人。下士四人。史二人。徒十有二人。○稻人。上士二人。中士四人。下士八人。府二人。史四人。徒四十人。○旅師掌聚野之耨粟。屋粟。閒粟。而用之。以質劑致民。平頒其興積。施其惠。散其利。而均其政令。凡用粟。春頒而秋斂之。凡新甿之治。皆聽之。使無征役。以地之媿惡爲之等。稍人掌令丘乘之政令。若有會同師田行役之事。則以縣師之法。作其同徒。輦輦帥而以至。治其政令。以聽于司馬。大喪。帥蜃車與其役。以至。掌其政令。以聽于司徒。委人掌斂野之賦。斂薪芻。凡疏材。木材。凡畜聚之物。以稍聚待賓客。以甸聚待羈旅。凡其余聚。以待頒賜。以式法共祭祀之薪蒸。木材。賓客。共其芻薪。喪紀。共其薪蒸。木材。軍旅。共其委積。薪芻。凡疏材。共野委兵器。與其野囿財用。凡軍旅之賓客。館焉。土





之野。及弊田。植虞旗于中。致禽而珥焉。林衡掌巡林麓之禁令而平其守。以時計林麓而賞罰之。若斬木材。則受法于山虞。而掌其政令。川衡掌巡川澤之禁令而平其守。以時舍其守。犯禁者。執而誅罰之。祭祀賓客。共川奠。澤虞掌國澤之政令。爲之厲禁。使其地之人守其財物。以時入之于玉府。頒其餘于萬民。凡祭祀賓客。共澤物之奠。喪紀。共其葦蒲之事。若大田獵。則萊澤野。及弊田。植虞旗以屬禽。迹人掌邦田之地政。爲之厲禁而守之。凡田獵者。受令焉。禁麇卵者。與其毒矢射者。升人掌金玉錫石之地。而爲之厲禁以守之。若以時取之。則物其地圖而授之。巡其禁令。角人掌以時徵齒角。凡骨物于山澤之農。以當邦賦之政令。以度量受之。以共財用。羽人掌以時徵羽翮之政于山澤之農。以當邦賦之政令。凡受羽。十羽爲審。百羽爲搏。十搏爲縛。掌葛掌以時徵絺綌之材于山農。凡葛征。徵草貢之材于澤農。以當邦賦之政令。以權度受之。掌染草掌以春秋斂染草之物。以權量受之。以待時而頒之。掌炭掌灰物炭物之徵令。以時入之。以權量受之。以共邦之用。凡炭灰之事。掌荼掌以時聚荼。以共喪事。徵野疏材之物。以待邦事。凡畜聚之物。掌蜃掌斂互物蜃物。以共闔墻之蜃。祭祀。共蜃器之蜃。共白盛之蜃。○囿人。中士四人。下士八人。府二人。胥八人。徒八十人。○場人。每場下士二人。府一人。史一人。徒二十人。囿人掌囿游之獸禁。牧百獸。祭祀喪紀賓客。共其生獸死獸之物。場人掌國之場圃。而樹之果蓏珍異之物。以時斂而藏之。凡祭祀賓客。共其果蓏。享亦如之。○廩人。下大夫二人。上士四人。中士八人。下士十有六人。胥三十人。徒三百人。○舍人。上士二人。中士四人。府二人。史四人。胥四人。徒四十人。

○倉人。中士四人。下士八人。府二人。史四人。胥四人。徒四十人。 ○司祿。中士四人。下士八人。府二人。史四人。徒四十人。 ○司稼。下士八人。史四人。徒四十人。 ○舂人。奄二人。女春枕二人。奚五人。 ○饔人。奄二人。女饔八人。奚四十八人。 ○橐人。奄八人。女橐每奄二人。奚五人。 廩人掌九穀之數。以待國之匪頒。賜稍食。以歲之上下數邦用。以知足否。以詔穀用。以治年之凶豐。凡萬民之食。食者人四鬴。上也。人三鬴。中也。人二鬴。下也。若食不能人二鬴。則令邦移民就穀。詔王殺邦用。凡邦有會同師役之事。則治其糧與其食。大祭祀。則共其接盛。舍人證平宮中之政。分其財守。以法掌其出入。凡祭祀共簠簋實之。陳之。賓客亦如之。共其禮車米芻禾。喪紀共飯米熬穀。以歲時縣種稷之種。以共王后之春獻種。掌米粟之出入。辨其物。歲終則會計其政。倉人掌粟人之藏。辨九穀之物。以待邦用。若穀不足。則止餘法用。有餘則藏之。以待凶而頒之。凡國之大事。共道路之穀。積食飲之具。司祿。闕。司稼。掌巡邦野之稼。而辨種稷之種。周知其名。與其所宜地。以爲法。而縣于邑閭。巡野觀稼。以年之上下出斂法。掌均萬民之食。而調其急而平其興。春人掌共米物。祭祀共其齋盛之米。賓客共其牢醴之米。凡饗食共其食米。掌凡米事。饌人掌凡祭祀共盛。共王及后之六食。凡賓客共其簠簋之實。饗食亦如之。橐人掌共外內朝冗食者之食。若饗耆老。孤子。士庶子。共其食。掌豢祭祀之犬。





命受職。再命受服。三命受位。四命受器。五命賜則。六命賜官。七命賜國。八命作牧。九命作伯。以玉作六瑞。以等邦國。王執鎮圭。公執桓圭。侯執信圭。伯執躬圭。子執穀璧。男執蒲璧。以禽作六摯。以等諸臣。孤執皮帛。卿執羔。大夫執鴈。士執雉。庶人執鶩。工商執雞。以玉作六器。以禮天地四方。以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。以天產作陰德。以中禮防之。以地產作陽德。以和樂防之。以禮樂合天地之化。百物之產。以事鬼神。以諧萬民。以致百物。凡祀大神。享大鬼。祭大示。帥執事而卜。日。宿。眡。滌。濯。洩。玉鬯。省牲饗。奉玉鬯。詔大號。治其大禮。詔相王之。大禮。若王不與祭祀。則攝位。凡大祭祀。王后不與。則攝而薦豆籩。徹大賓客。則攝而載果。朝覲會同。則爲上相。大喪。亦如之。王哭諸侯。亦如之。王命諸侯。則僎。國有大故。則旅。上帝及四望。王大封。則先告后土。乃頒祀于邦國。都家鄉邑。小宗伯之職。掌建國之神位。右社稷。左宗廟。兆五帝于四郊。四望。四類。亦如之。兆山川。丘陵墳衍。各因其方。掌五禮之禁令。與其用等。辨廟祧之昭穆。辨吉凶之五服。車旗宮室之禁。掌三族之別。以辨親疎。其正室皆謂之門子。掌其政令。毛六牲。辨其名物而頒之于五官。使其奉之。辨六齎之名物與其用。使六宮之人共奉之。辨六犂之名物。以待果。將辨六尊之名物。以待祭祀賓客。掌衣服車旗宮室之賞賜。掌四時祭祀之序事與其禮。若國大貞。則奉玉帛以詔號。大祭祀。省牲。眡牲。濯。祭之日。逆鬯。省饗。告時于王。告備于王。凡祭祀賓客。以時將瓚果。詔相祭祀之小禮。凡大禮。佐大宗伯。賜卿大夫士。

爵。則儻。小祭祀。掌事。如大宗伯之禮。大賓客。受其將幣之齋。若大師。則帥有司而立軍社。奉主車。若軍將有事。則與祭。有司將事于四望。若大甸。則帥有司而饁獸于郊。遂頒禽。大裁。及執事禱祠于上下神示。王崩。大肆。以柅鬯。泚及執事。涖大斂。小斂。帥異族而佐。縣衰冠之式于路門之外。及執事。眠葬。獻器。遂哭之。卜葬兆。甫窆。亦如之。既葬。詔相喪祭之禮。成葬而祭墓。爲位。凡王之會同軍旅。甸役之禱祠。肆儀。爲位。國有禍。裁。則亦如之。凡天地之大裁。類社稷宗廟。則爲位。凡國之大禮。佐大宗伯。凡小禮。掌事。如大宗伯之儀。肆師之職。掌立國祀之禮。以佐大宗伯。立大祀。用玉帛牲。啗。立次祀。用牲幣。立小祀。用牲。以歲時序其祭祀。及其祈珥。大祭祀。展犧牲。繫于牢。頒于職人。凡祭祀之卜日。宿爲期。詔相其禮。眠滌濯。亦如之。祭之日。表齋盛。告絜。展器陳。告備。及果。築鬯。相治小禮。誅其慢怠者。掌兆中廟中之禁令。凡祭祀禮成。則告事畢。大賓客。涖筵几。築鬯。贊果。將大朝覲。佐儻。共設匪饔之禮。饗食。授祭。與祝侯禳于薑及郊。大喪。大泚。以鬯。則築鬯。令外內命婦序哭。禁外內命男女之衰。不中法者。且授之杖。凡師甸。用牲于社宗。則爲位。類造上帝。封于大神。祭兵于山川。亦如之。凡師不功。則助牽主車。凡四時之大甸。獵祭表貉。則爲位。嘗之日。涖下來歲之芟。獮之日。涖下來歲之戒。社之日。涖下來歲之稼。若國有大故。則令國人祭歲時之祭祀。亦如之。凡卿大夫之喪。相其禮。凡國之大事。治其禮儀。以佐宗伯。凡國之小事。治其禮儀。而掌其事。如宗伯之禮。○鬱人。下士二人。府二人。史一人。徒八人。○鬯人。下士二人。府一人。史一人。徒八人。鬱人掌裸器。凡祭祀賓客之裸事。和鬱鬯以實

彝而陳之。凡裸玉。濯之陳之。以贊裸事。詔裸將之儀。與其節。凡裸事。沃盥。大喪之溲。共其肆器。及葬。共其裸器。遂狸之。大祭祀。與量人受舉罍之卒爵而飲之。鬯人掌共秬鬯而飾之。凡祭祀。社壇用大壘。禁門用瓢齋。廟用脩。凡山川四方用蜃。凡裸事用概。凡臨事用散。大喪之大溲。設斗。共其鬯鬯。凡王之齊事。共其秬鬯。凡王弔臨。共介鬯。○雞人。下士一人。史一人。徒四人。雞人掌共雞牲。辨其物。大祭祀。夜嘯。旦以聞百官。凡國之大賓客會同。軍旅。喪紀。亦如之。凡國事爲期。則告之時。凡祭祀而禴。共其雞牲。○司尊彝。下士二人。史一人。徒二十人。司尊彝。掌六尊六彝之位。詔其酌。辨其用。與其實。春祠夏禴。裸用雞彝。鳥彝。皆有舟。其朝踐。用兩獻尊。其再獻。用兩象尊。皆有壘。諸臣之所昨也。秋嘗冬烝。裸用罍彝。黃彝。皆有舟。其朝獻。用兩著尊。其饋獻。用兩壺尊。皆有壘。諸臣之所昨也。凡四時之閒祀。追享。朝享。裸用虎彝。雌彝。皆有舟。其朝踐。用兩大尊。其再獻。用兩山尊。皆有壘。諸臣之所昨也。凡六彝六尊之酌。鬱齊獻酌。醴齊縮酌。盎齊浼酌。凡酒脩酌。大喪。存奠彝。大旅。亦如之。司几筵。掌五几五席之名物。辨其用。與其位。凡大朝覲。大饗射。凡封國命諸侯。王位設黼依。依前南鄉。設莞筵。粉純。加纁席。畫純。加次席。黼純。左右玉几。祀先王。昨席。亦如之。諸侯祭祀。席蒲筵。績純。加莞席。紛純。右彫几。昨席。莞筵。紛純。加纁席。畫純。筵。國賓牖前。亦如之。左彤几。甸役。則設熊席。右漆几。凡喪事。設葦席。右素几。其柏席。用萑。黼純。諸侯。則紛純。每敦一几。凡吉事。變几。凶事。仍几。○天府。上士一人。中士二人。府四人。史二人。胥二人。徒二十人。○典瑞。中士二人。府二人。史二人。胥一人。徒十人。○典命。



中士二人。府二人。史二人。胥一人。徒十人。

天府掌祖廟之守藏。與其禁令。凡國之玉鎮大寶器藏焉。若有大祭大喪。則出而陳之。既事。藏之。凡官府鄉州及都鄙之治中。受而藏之。以詔王察羣吏之治。上春。釁寶鎮及寶器。凡吉凶之事。祖廟之中。沃盥執燭。季冬。陳玉。以貞來歲之蠱惡。若遷寶。則奉之。若祭天之司民司祿而獻民數穀。則受而藏之。典瑞掌玉瑞玉器之藏。辨其名物。與其用事。設其服飾。王晉大圭。執鎮圭。纁藉五采。五就。以朝日。公執桓圭。侯執信圭。伯執躬圭。縑皆三采。三就。子執穀璧。男執蒲璧。縑皆二采。再就。以朝。覲宗。遇會同于王。諸侯相見。亦如之。琢圭璋璧琮。纁皆二采。一就。以類聘。四圭有邸。以祀天。旅上帝。兩圭有邸。以祀地。旅四望。裸圭有瓚。以肆先王。以裸賓客。圭璧以祀日月星辰。璋邸射。以祀山川。以造贈賓客。土圭。以致四時。日月。封國。則以土地。珍圭以徵守。以卹凶荒。牙璋以起軍旅。以治兵守。璧羨以起度。駟圭璋璧。琮璜之渠眉。疏璧琮。以斂尸。穀圭以和難。以聘女。琬圭以治德。以結好。琰圭以易行。以除慝。大祭祀。大旅。凡賓客之事。共其玉器而奉之。大喪。共飯玉。含玉。贈玉。凡玉器出。則共奉之。典命掌諸侯之五儀。諸臣之五等之命。上公九命爲伯。其國家宮室車旗衣服禮儀皆以九爲節。侯伯七命。其國家宮室車旗衣服禮儀皆以七爲節。子男五命。其國家宮室車旗衣服禮儀皆以五爲節。王之三公八命。其卿六命。其大夫四命。及其出封。皆加一等。其國家宮室車旗衣服禮儀亦如之。凡諸侯之適子。誓于天子。攝其君。則下其君之禮一等。未誓。則以皮帛繼子男。公之孤四命。以皮帛。賦小國之君。其卿三命。其大夫再命。其士一

命其宮室車旗衣服禮儀各賤其命之數。侯伯之卿大夫士亦如之。子男之卿再命其大夫一命其士不命其宮室車旗衣服禮儀各賤其命之數。○司服中士二人。府二人。胥一人。徒十人。司服掌王之吉凶衣服辨其名物與其用事王之吉服。祀昊天上帝則服大裘而冕。祀五帝亦如之。享先王則袞冕。享先公饗射則鷩冕。祀四望山川則毳冕。祭社稷五祀則希冕。祭羣小祀則玄冕。凡兵事韋弁服。眡朝則皮弁服。凡甸冠弁服。凡凶事服弁服。凡弔事弁絰服。凡喪爲天王斬衰爲王后齊衰王爲三公六卿錫衰爲諸侯緦衰爲大夫士疑衰其首服皆弁絰。大札大荒大裁素服。公之服自袞冕而下。如王之服。侯伯之服自鷩冕而下。如公之服。子男之服自毳冕而下。如侯伯之服。孤之服自希冕而下。如子男之服。卿大夫之服自玄冕而下。如孤之服。其凶服加以大功小功士之服。自皮弁而下。如大夫之服。其凶服亦如之。其齊服有玄端素端。凡大祭祀大賓客共其衣服而奉之大喪共其復衣服斂衣服奠衣服。獻衣服皆掌其陳序。○典祀中士二人。下士四人。府二人。史二人。胥四人。徒四十人。守祧奄八人。女祧每廟二人。奚四人。典祀掌外祀之兆守皆有域掌其禁令。若以時祭祀則帥其屬而脩除。徵役于司隸而役之。及祭帥其屬而守其厲禁而蹕之。守祧掌守先王先公之廟祧其遺衣服藏焉。若將祭祀則各以其服授尸。其廟則有司脩除之。其祧則守祧黜聖之。既祭則藏其隋與其服。○世婦每宮卿二人。下大夫四人。中士八人。女府二人。女史二人。奚十有六人。內宗凡內女之有爵者。外宗凡外女之有爵者。世婦掌女宮之宿戒及祭祀比其具。詔王后之禮事帥六宮之人共齎盛相外內宗之禮事大賓客之饗食亦如之。大喪比外內命婦之朝莫哭。

不敬者而苛罰之。凡王后有擯事於婦人，則詔相。凡內事有達于外官者，世婦掌之。內宗掌宗廟之祭祀，薦加豆籩，及以樂徹，則佐傳豆籩。賓客之饗食，亦如之。王后有事，則從大喪序哭者，哭諸侯亦如之。凡卿大夫之喪，掌其弔臨。外宗掌宗廟之祭祀，佐王后薦玉豆，眡豆籩，及以樂徹，亦如之。王后以樂羞蠶，則贊。凡王后之獻，亦如之。王后不與，則贊宗伯。小祭祀，掌事。賓客之事，亦如之。大喪，則敍外內朝莫哭者，哭諸侯亦如之。○家人，下大夫二人，中士四人，府二人，史一人，中士四人，胥十有二人，徒百有二十人。○墓大夫，下大夫二人，中士八人，府二人，史四人，胥二十人，徒二百人。○職喪，士二人，中士四人，下士八人，府二人，史四人，胥四人，徒四十人。家人掌公墓之地，辨其兆域而爲之圖。先王之葬居中，以昭穆爲左右，凡諸侯居左右，以前卿大夫士居後，各以其族。凡死于兵者，不入兆域。凡有功者居前，以爵等爲丘封之度，與其樹數。大喪既有日，請度甫窆，遂爲之尸，及窆，以度爲丘隧，共喪之窆器，及葬，言鸞車象人，及窆，執斧以泄，遂入藏凶器。正墓位，蹕墓域，守墓禁，凡祭墓爲尸。凡諸侯及諸臣葬于墓者，授之兆，爲之蹕，均其禁。墓大夫掌凡邦墓之地域，爲之圖，令國民族葬，而掌其禁令，正其位，掌其度數，使皆有私地域。凡爭墓地者，聽其獄訟，帥其屬而巡墓厲，居其中之室以守之。職喪掌諸侯之喪，及卿大夫士凡有爵者之喪，以國之喪禮，泄其禁令，序其事。凡國有司以王命有事焉，則詔贊主人，凡其喪祭，詔其號，治其禮。凡公有司之所共職，喪令之趣其事。○大司樂，中大夫二人，樂師，下大夫四人，上士八人，下士十有六人，府四人，史八人，胥八人，徒八十人。○大胥，中士四人，下士八人，府二人，史四人，徒四十人。○大師，下大夫二人，小師，上士四人，警朦，上警四十八人，中警百人，下警百有六十人。眡瞭，三百人，府四人，史八人，胥十有二人，徒百

有二十人。○典同。中士二人。府一人。史一人。胥二人。徒二十人。○馨師。中士四人。下士八人。府四人。史二人。胥四人。徒四十人。○鐘師。中士四人。下士八人。府二人。史二人。胥六人。

人。徒六人。○笙師。中士二人。下士四人。府二人。史二人。胥一人。徒十人。○搏師。中士二人。下士四人。府二人。史二人。胥二人。徒二十八人。○鞀師。中士一人。舞者十有六人。徒四人。

人。徒四人。○旄人。下士四人。舞者衆寡無數。府二人。史二人。胥二人。徒二十人。○籥師。中士四人。府二人。史二人。胥二人。徒二十人。○籥章。中士二人。下士四人。史一人。胥一人。徒二十人。

人。徒二人。○鞀。鞀氏。下士四人。府一人。史一人。胥二人。徒二十人。○典庸器人。下士四人。府四人。史二人。胥八人。徒八十人。○司干。下士二人。府二人。史二人。徒二十人。大

司樂掌成均之法以治建國之學政而合國之子弟焉凡有道者有德者使教焉死則以爲樂祖祭于磬

宗以樂德教國子中和祇庸孝友以樂語教國子興道諷誦言語以樂舞教國子舞雲門大卷大咸大磬

大夏大濩大武以六律六同五聲八音六舞大合樂以致鬼神示以和邦國以諧萬民以安賓客以說遠

人以作動物乃分樂而序之以祭以享以祀乃奏黃鍾歌大呂舞雲門以祀天神乃奏大蕤歌應鍾舞咸

池以祭地示乃奏姑洗歌南呂舞大磬以祀四望乃奏蕤賓歌函鍾舞大夏以祭山川乃奏夷則歌小呂

舞大濩以享先妣乃奏無射歌夾鍾舞大武以享先祖凡六樂者文之以五聲播之以八音凡六樂者一

變而致羽物及川澤之示再變而致羸物及山林之示三變而致鱗物及丘陵之示四變而致毛物及墳

衍之示五變而致介物及土示六變而致象物及天神凡樂圓鍾爲宮黃鍾爲角大蕤爲徵姑洗爲羽蠶

鼓蠶鼓孤竹之管雲和之琴瑟雲門之舞冬日至于地上之圜丘奏之若樂六變則天神皆降可得而禮

矣凡樂函鍾爲宮大蕤爲角姑洗爲徵南呂爲羽靈鼓靈鼗孫竹之管空桑之琴瑟咸池之舞夏日至于

澤中之方丘奏之。若樂八變，則地示皆出可得而禮矣。凡樂黃鍾爲宮，大呂爲角，大族爲徵，應鍾爲羽，路鼓路鼗，陰竹之管，龍門之琴瑟，九德之歌，九馨之舞，于宗廟之中奏之。若樂九變，則人鬼可得而禮矣。凡樂事大祭祀，宿縣，遂以聲展之。王出八，則令奏王夏，尸出入，則令奏肆夏，牲出入，則令奏昭夏，帥國子而舞，大饗不入牲，其他皆如祭祀。大射，王出入，令奏王夏，及射，令奏騶虞，詔諸侯以弓矢舞，王大食，三宥，皆令奏鐘鼓，王師大獻，則令奏愷樂，凡日月食，四鎮五嶽崩，大傀異哉，諸侯薨，令去樂，大札，大凶，大裁，大臣死，凡國之大憂，令弛縣，凡建國，禁其淫聲，過聲，凶聲，慢聲，大喪，涖厥樂器，及葬，藏樂器，亦如之。樂師掌國學之政，以教國子小舞，凡舞有帔舞，有羽舞，有皇舞，有旄舞，有干舞，有人舞，教樂儀，行以肆夏，趨以采，齊，車亦如之，環拜以鐘鼓爲節，凡射，王以騶虞爲節，諸侯以騶首爲節，大夫以采蘋爲節，士以采芣爲節，凡樂，掌其序事，治其樂政，凡國之小事，用樂者，令奏鐘鼓，凡樂成，則告備，詔來瞽，皐舞，及徹，帥學士而歌，徹，令相饗，食諸侯，序其樂事，令奏鐘鼓，令相如祭之儀，燕射，帥射夫以弓矢舞，樂出入，令奏鐘鼓，凡軍大獻，教愷歌，遂倡之，凡喪，陳樂器，則帥樂官及序哭，亦如之，凡樂官，掌其政令，聽其治訟，大胥掌學士之版，以待致諸子，春入學舍采，合舞，秋頒學，合聲，以六樂之會，正舞位，以序出入舞者，比樂官，展樂器，凡祭祀之用樂者，以鼓徵，學士序宮中之事，小胥掌學士之徵令而比之，饋其不敬者，巡舞列而撻其怠慢者，正樂縣之位，王宮縣，諸侯軒縣，卿大夫判縣，士特縣，辨其聲，凡縣，鐘磬半爲堵，全爲肆，大師掌六律。

六同。以合陰陽之聲。陽聲黃鍾、大簇、姑洗、蕤賓、夷則。無射。陰聲大呂、應鍾、南呂、函鍾、小呂、夾鍾。皆文之以五聲。宮、商、角、徵、羽。皆播之以八音。金、石、土、革、絲、木、匏、竹。教六詩。曰風、曰賦、曰比、曰興、曰雅、曰頌。以六德爲之本。以六律爲之音。大祭祀。帥瞽登歌。令奏擊拊。下管。播樂器。令奏鼓、鞀、大饗亦如之。大射。帥瞽而歌。射節。大師執同律以聽軍聲。而詔吉凶。大喪。帥瞽而厥作。匱諛。凡國之瞽。矇正焉。小師掌教鼓、鼗、柷、敔、塤、簫、管、弦、歌。大祭祀。登歌。擊拊。下管。擊鼓。敔、歌。大饗亦如之。大喪與厥。凡小祭祀。小樂事。鼓、鞀、掌六樂聲音之節。與其和。瞽矇掌播鼗、柷、敔、塤、簫、管、弦、歌。諷誦詩。世奠擊鼓。琴瑟。掌九德六詩之歌。以役大師。

矇矇掌凡樂事。播鼗。擊頌磬。笙。磬。掌大師之縣。凡樂事。相瞽。大喪。厥樂器。大旅亦如之。賓射。皆奏其鐘。鼓。鑿。愷。獻亦如之。典同。掌六律六同之和。以辨天地四方陰陽之聲。以爲樂器。凡聲。高聲。碨。正聲。緩。下聲。肆。陂聲。散。險聲。斂。達聲。贏。微聲。籥。回聲。衍。侈聲。侂。弁聲。鬱。薄聲。甄。厚聲。石。凡爲樂器。以十有二律爲之數。度。以十有二聲爲之齊量。凡和樂亦如之。磬師掌教擊磬。擊編鐘。教縵樂。燕樂之鐘。磬。凡祭祀。奏縵樂。鐘師掌。奏。凡樂事。以鐘鼓。奏九夏。王夏。肆夏。昭夏。納夏。章夏。齊夏。族夏。祓夏。騶夏。凡祭祀。饗食。奏燕樂。凡射。王奏騶虞。諸侯奏貍首。卿大夫奏采蘋。士奏采芣。掌鞀。鼓。縵樂。笙師掌教。鼗。竽。塤。簫。籥。篪。箎。管。春牘。應雅。以教祓樂。凡祭祀。饗射。共其鐘。笙之樂。燕樂亦如之。大喪。厥其樂器。及葬。奉而藏之。大旅。則陳之。罇師掌金奏之鼓。凡祭祀。鼓其金奏之樂。饗食。賓射亦如之。軍大獻。則鼓其愷樂。凡軍之夜。三鑿。

皆鼓之守鑿亦如之大喪。厥其樂器奉而藏之。鞀師掌教鞀樂。祭祀則帥其屬而舞之。大饗亦如之。  
 旄人掌教舞散樂。舞夷樂。凡四方之以舞仕者屬焉。凡祭祀賓客。舞其燕樂。籥師掌教國子舞羽。籥籥  
 祭祀則鼓羽籥之舞。賓客饗食則亦如之大喪。厥其樂器奉而藏之。籥章掌士鼓。籥籥。中春。晝擊士鼓。  
 歛。函詩以逆暑。中秋。夜迎寒。亦如之。凡國祈年于田祖。歛。函雅。擊士鼓。以樂田峻。國祭蜡。則歛。函頌。擊士  
 鼓。以息老物。鞀。鞀氏掌四夷之樂。與其聲歌。祭祀則歛而歌之。燕亦如之。典庸器掌藏樂器。庸器及  
 祭祀。帥其屬而設筯。虞陳庸器。饗食賓射亦如之大喪。厥筯虞。司干掌舞器。祭祀舞者既陳。則授舞器。  
 既舞。則受之。賓饗亦如之大喪。厥舞器及葬。奉而藏之。○大卜。下大夫二人。史一人。卜師一人。中士八人。下士十  
 史二人。胥四人。徒四十人。 ○龜。中士二人。府二人。史二人。下士二人。史一人。卜師一人。中士八人。下士十  
 史二人。府一人。史一人。下士二人。胥四人。徒四十人。 ○垂氏。下士二人。史一人。卜師一人。中士八人。下士十  
 史二人。府四人。史二人。徒四人。 ○占夢。中士二人。史二人。下士二人。史一人。卜師一人。中士八人。下士十  
 史二人。府一人。史一人。下士二人。胥四人。徒四十人。 ○眠。祿。中士二人。史一人。卜師一人。中士八人。下士十  
 史二人。府四人。史二人。徒四人。 ○大卜掌三兆之法。一曰玉兆。二曰瓦兆。三曰  
 原兆。其經兆之體。皆百有二十。其頌皆千有二百。掌三易之法。一曰連山。二曰歸藏。三曰周易。其經卦皆  
 八。其別皆六十有四。掌三夢之法。一曰致夢。二曰疇夢。三曰咸陟。其經運十。其別九十。以邦事作龜之八  
 命。一曰征。二曰象。三曰與。四曰謀。五曰果。六曰至。七曰雨。八曰瘳。以八命者贊三兆三易三夢之占。以觀  
 國家之吉凶。以詔救政。凡國大貞。卜立君。卜大封。則眠。高作龜。大祭祀則眠。高命龜。凡小事。蒞卜。國大遷  
 大師。則貞龜。凡旅。陳龜。凡喪事。命龜。卜師掌開龜之四兆。一曰方兆。二曰功兆。三曰義兆。四曰弓兆。凡

卜事。既高揚火以作龜。致其墨。凡卜辨龜之上下左右陰陽。以授命龜者。而詔相之。○卜人。闕。○龜人掌六龜之屬。各有名物。天龜曰靈屬。地龜曰繹屬。東龜曰果屬。西龜曰蠶屬。南龜曰獵屬。北龜曰若屬。各以其方之色與其體辨之。凡取龜用秋時。攻龜用春時。各以其物入于龜室。上春釁龜。祭祀先卜。若有祭事。則奉龜以往。旅亦如之。喪亦如之。董氏掌共燹契。以待卜事。凡卜以明火燹燹。遂獻其燹契。以授卜師。遂役之。占人掌占龜。以八簪占八頌。以八卦占簪之八故。以既吉凶。凡卜簪。君占體。大夫占色。史占墨。卜人占坼。凡卜簪。既事則繫幣。以比其命。歲終則計其占之中否。簪人掌三易以辨九簪之名。一曰連山。二曰歸藏。三曰周易。九簪之名。一曰巫更。二曰巫咸。三曰巫式。四曰巫目。五曰巫易。六曰巫比。七曰巫祠。八曰巫參。九曰巫環。以辨吉凶。凡國之大事。先簪而後卜。上春相簪。凡國事共簪。占夢掌其歲時。觀天地之會。辨陰陽之氣。以日月星辰占六夢之吉凶。一曰正夢。二曰噩夢。三曰思夢。四曰寤夢。五曰喜夢。六曰懼夢。季冬聘王夢。獻吉夢于王。王拜而受之。乃舍萌于四方。以贈惡夢。遂令始難毆疫。既禋掌十輝之法。以觀妖祥。辨吉凶。一曰禋。二曰象。三曰鑄。四曰監。五曰闡。六曰瞽。七曰彌。八曰敍。九曰躋。十曰想。掌安宅。敍降。正歲則行事。歲終則繫其事。○大祝。下夫二人。府一人。小祝。中士八人。下士十有六人。府二人。上士二人。中士四人。下士八人。府一人。○旬祝。下士二人。府一人。○詛祝。下士二人。府一人。○喪祝。二人。史一人。胥四人。徒四十人。○司巫。中士二人。府一人。史一人。胥一人。徒十人。○男巫。無數。女巫。無數。其師中士四人。府二人。史四人。胥四人。徒四十人。大祝掌六祝之辭。以事鬼神。示祈福祥。求永貞。



一曰順祝。二曰年祝。三曰吉祝。四曰化祝。五曰瑞祝。六曰筴祝。掌六祈以同鬼神示。一曰類。二曰造。三曰禴。四曰禘。五曰絜。六曰說。作六辭以通上下親疎遠近。一曰祠。二曰命。三曰誥。四曰會。五曰禱。六曰誅。辨六號。一曰神號。二曰鬼號。三曰示號。四曰牲號。五曰靈號。六曰幣號。辨九祭。一曰命祭。二曰衍祭。三曰炮祭。四曰周祭。五曰振祭。六曰擣祭。七曰絕祭。八曰繚祭。九曰共祭。辨九擣。一曰諧首。二曰頓首。三曰空首。四曰振動。五曰吉擣。六曰凶擣。七曰奇擣。八曰褻擣。九曰肅擣。以享右祭祀。凡大禮祀肆享祭示則執明水火而號祝。隋豐逆牲逆尸令鐘鼓右亦如之。來瞽令臯舞相尸禮既祭令徹大喪始崩以肆。鬯澆尸相飯贊斂徹奠言甸人讀禱付練祥堂國事國有大故天裁彌祀社稷禱祠大師宜于社造于祖設軍社類上常國將有事于四望及軍歸獻于社則前祝大會同造于廟宜于社過大山川則用事焉。反行舍奠建邦國先告后土用牲幣禁督逆祀命者頒祭號于邦國都鄙。小祝掌小祭祀將事侯禳禱祀之祝號以祈福祥。順豐年逆時雨寧風旱彌裁兵遠臯疾大祭祀逆蠶盛送逆尸沃尸盥贊隋贊徹贊奠凡事佐大祝大喪贊澗設熬置銘及葬設道齋之奠分禱五祀大師掌釁祈號祝有寇戎之事則保郊祀于社凡外內小祭祀小喪紀小會同小軍旅掌事焉。喪祝掌大喪勸防之事及辟令啓及朝御匱乃奠及祖飾棺乃載遂御及葬御匱出宮乃代及壙說載除飾小喪亦如之。掌喪祭祝號王弔則與巫前掌勝國邑之社稷之祝號以祭祀禱祠焉。凡卿大夫之喪掌事而斂飾棺焉。甸祝掌四時之田表貉之祝號舍奠于祖。

廟禰亦如之。師甸致禽于虞中。乃屬禽。及郊。饁獸。舍奠于祖禰。乃斂禽。禴牲禴馬。皆掌其祝號。謂祝掌盟。詛類。造攻說禴。禁之祝號。作盟詛之載辭。以敍國之信用。以質邦國之劑信。司巫掌羣巫之政令。若國大旱。則帥巫而舞雩。國有大裁。則帥巫而造巫恆。祭祀則共匱主及道布及菹館。凡祭事。守瘞。凡喪事。掌巫降之禮。男巫掌望祀望衍授號。旁招以茅。冬堂贈。無方無算。春招弭。以除疾病。王弔則與祝前。

女巫掌歲時祓除釁浴。旱暵則舞雩。若王后弔則與祝前。凡邦之大裁。歌哭而請。○大史下大夫二人。中士八人。府四人。徒四十人。○馮相氏中士二人。下士四人。府二人。史四人。徒八人。○保章氏中士二人。下士四人。府二人。史四人。徒八人。○

史中士八人。下士十有六人。府四人。史八人。胥四人。徒四十人。○馮相氏中士二人。下士四人。府二人。史四人。徒八人。○保章氏中士二人。下士四人。府二人。史四人。徒八人。○

內史中大夫一人。下大夫二人。上士四人。中士八人。下士十有六人。府四人。史八人。胥四人。徒四十人。○外史上士四人。中士八人。下士十有六人。府四人。史八人。胥四人。徒四十人。○御史中士八人。下士十有六人。府四人。史八人。胥四人。徒四十人。

大史掌建邦之六典。以逆邦國之治。掌法以逆官府之治。掌則以逆都鄙之治。凡辨法者。攷焉。不信者。刑之。凡邦國都鄙及萬民之有約劑者。藏焉。以貳六官六官之所登。若約劑亂。則辟法。不信者。刑之。正歲年以序事。頒之于宮府及都鄙。頒告朔于邦國。閏月。詔王居門終月。大祭祀。與執事卜日。戒及宿之日。與羣執事讀禮書而協事。祭之日。執書以次位常。辨事者。攷焉。不信者。誅之。大會同朝覲。以書協禮事。及將幣之日。執書以詔王。大師抱天時。與大師同車。大遷國。抱法以前。大喪。執法以泣。勸防遣之日。讀誅。凡喪事。攷焉。小喪。賜諡。凡射事。飾中舍算。執其禮事。小史掌邦國之志。奠繫世。辨昭穆。若有事。則詔王之忌諱。大祭祀。讀禮法。史以書敍昭穆之俎簋。大喪。大賓客。大會同。大軍旅。佐大史。凡

穆。若有事。則詔王之忌諱。大祭祀。讀禮法。史以書敍昭穆之俎簋。大喪。大賓客。大會同。大軍旅。佐大史。凡

國事之用禮法者。掌其小事。卿大夫之喪。賜諡讀誄。馮相氏掌十有二歲。十有二月。十有二辰。十日。二十有八星之位。辨其敝事。以會天位。冬夏致日。春秋致月。以辨四時之敘。保章氏掌天星。以志星辰日月之變動。以觀天下之遷。辨其吉凶。以星土辨九州之地所封。封域皆有分星。以觀妖祥。以十有二歲之相。觀天下之妖祥。以五雲之物。辨吉凶。水旱降豐荒之祲象。以十有二風。察天地之和命乖別之妖祥。凡此五物者。以詔救政。訪序事。內史掌王之八枋之法。以詔王治。一曰爵。二曰祿。三曰廢。四曰置。五曰殺。六曰生。七曰予。八曰奪。執國法及國令之貳。以攷政事。以逆會計。掌敘事之法。受納訪。以詔王聽治。凡命諸侯及孤卿大夫。則策命之。凡四方之事書。內史讀之。王制祿。則贊爲之。以方出之。賞賜。亦如之。內史掌書王命。遂貳之。外史掌書外令。掌四方之志。掌三皇五帝之書。掌達書名于四方。若以書使于四方。則書其令。御史掌邦國都鄙及萬民之治令。以贊冢宰。凡治者受法令焉。掌贊書。凡數從政者。○巾車。夫二人。上十四人。中十八人。下十有六人。府四人。史八人。工百人。胥五人。徒五十人。○典路。中士二人。下士四人。府二人。胥二人。徒二十人。○車僕。中士二人。下士四人。府二人。史二人。胥二人。徒二十人。○司常。中士二人。下士四人。府二人。胥四人。徒四十人。巾車掌公車之政令。辨其用。與其旗物。而等敘之。以治其出入。王之五路。一曰玉路。錫。樊。纓。十有再。就。建。大常。十有二旂。以祀。金路。鉤。樊。纓。九就。建。大旂。以賓。同姓。以封。象路。朱。樊。纓。七就。建。大赤。以朝。異姓。以封。革路。龍。勒。條。纓。五就。建。大白。以卽戎。以封。四衛。木路。前。樊。鵠。纓。建。大麾。以田。以封。蕃國。王后之五路。重翟。錫。面。朱。總。厭。翟。勒。面。績。總。安。車。彫。面。鷺。總。皆有容。蓋。翟。車。

貝面組總有握輦車組輓有翬羽蓋王之喪車五乘木車蒲蔽犬襪尾囊疏飾小服皆疏素車焚蔽犬襪素飾小服皆素藟車藟蔽鹿淺襪革飾駟車翟蔽然襪髹飾漆車藩蔽犴襪雀飾服車五乘孤乘夏篆卿乘夏縵大夫乘墨車士乘棧車庶人乘役車凡良車散車不在等者其用無常凡車之出入歲終則會之凡賜闕之毀折入齋于職幣大喪飾遣車遂厥之行之及葬執蓋從車持旌及幕噶啓關陳車小喪共匱路與其飾歲時更續共其弊車大祭祀鳴鈴以應雞人典路掌王及后之五路辨其名物與其用說若有大祭祀則出路贊駕說大喪大賓客亦如之凡會同軍旅弔于四方以路從車僕掌戎路之萃廣車之萃闕車之萃萃軍之萃輕車之萃凡師共革車各以其萃會同亦如之大喪厥革車大射共三乏司常掌九旗之物名各有屬以待國事日月爲常交龍爲旂通帛爲旛雜帛爲物熊虎爲旗鳥隼爲旟龜蛇爲旐全羽爲旖析羽爲旌及國之大閱贊司馬頒旗物王建大常諸侯建旂孤卿建旛大夫士建物師都建旗州重建旗縣鄙建旐道車載旐旂車載旌皆畫其象焉官府各象其事州里各象其名家各象其號凡祭祀各建其旗會同賓客亦如之置旌們大喪共銘旌建厥車之旌及葬亦如之凡軍事建旌旗及致民置旗弊之甸亦如之凡射共獲旌歲時共更旌○都宗人上士二人中士四人府二人史四人胥四人徒四十人○家宗人如都宗人之數○凡以神仕者無數以其藝爲之貴賤之等都宗人掌都祭祀之禮凡都祭祀致福于國正都禮與其服若有寇戎之事則保羣神之壇國有大故則令禱祠既祭反命于國家宗人掌家祭祀之禮凡祭祀致福國有

大故則令禱祠。反命祭亦如之。掌家禮。與其衣服宮室車旗之禁令。凡以神仕者。掌三辰之法。以猶鬼神示之居。辨其名物。以冬日至致天神人鬼。以夏日至致地示物。彪以禮國之凶。荒民之札喪。

#### 夏官司馬四

【周禮】惟王建國。辨方正位。體國經野。設官分職。以爲民極。乃立夏官司馬。使帥其屬而掌邦政。以佐王平邦。國政官之屬。○大司馬。卿一人。中大夫二人。軍司馬四人。與司馬八人。上士八人。行司馬中士十有六人。旅府六人。史十有六人。胥三十有二人。徒三百有二十人。凡軍制。萬有二千五百人爲軍。王六軍。大國三軍。次國二軍。小國一軍。軍將皆命卿。二千有五百人爲師。帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍皆有長。一軍則二府。六史。胥十人。徒百人。大司馬之職。掌建邦國之九法。以佐王平邦。國制畿封國。以正邦國。設儀辨位。以等邦國。進賢興功。以作邦國。建牧立監。以維邦國。制軍詰禁。以糾邦國。施貢分職。以任邦國。簡稽鄉民。以用邦國。均守平則。以安邦國。比小事大。以和邦國。以九伐之法。正邦國。馮弱犯寡。則眚之。賊賢害民。則伐之。暴內陵外。則壇之。野荒民散。則削之。負固不服。則侵之。賊殺其親。則正之。放弑其君。則殘之。犯令陵政。則杜之。外內亂。鳥獸行。則滅之。正月之吉。始和。布政于邦國都鄙。乃縣政象之法于象魏。使萬民觀政象。挾日而斂之。乃以九畿之籍。施邦國之政職。方千里曰國畿。其外方五百里曰侯畿。又其外方五百里曰甸畿。又其外方五百里曰男畿。又其外方五百里曰采畿。又其外方

五百里曰衛畿。又其外方五百里曰蠻畿。又其外方五百里曰夷畿。又其外方五百里曰鎮畿。又其外方五百里曰蕃畿。凡令賦以地與民制之。上地食者參之二。其民可用者家三人。中地食者半。其民可用者二家。五人。下地食者參之一。其民可用者家二人。中春教振旅。司馬以旗致民。平列陳如戰之陳。辨鼓鐸。鐸鏡之用。王執路鼓。諸侯執賁鼓。軍將執晉鼓。帥帥執提旅。帥執鞞。卒長執鏡。兩司馬執鐸。公司馬執鑿。以教坐作進退疾徐疏數之節。遂以蒐田。有司表貉誓民。鼓遂圍禁。火弊。獻禽。以祭社。中夏教芟舍。如振旅之陳。羣吏撰車徒。讀書契。辨號名之用。帥以門名。縣鄙各以其名。家以號名。鄉以州名。野以邑名。百官各象其事。以辨軍之夜事。其他皆如振旅。遂以苗田。如蒐之法。車弊。獻禽。以享祔。中秋教治兵。如振旅之陳。辨旗物之用。王載大常。諸侯載旂。軍吏載旗。師都載旛。鄉遂載物。郊野載旐。百官載旗。各書其事。與其號焉。其他皆如振旅。遂以獮田。如蒐田之法。羅弊。致禽。以祀祊。中冬教大閱。前期羣吏戒衆庶。脩戰法。虞人萊所田之野。爲表。百步則一。爲三表。又五十步爲一表。田之日。司馬建旗于後表之中。羣吏以旗物鼓鐸。鐸鏡。各帥其民而致。質明。弊旗。誅後至者。乃陳車徒。如戰之陳。皆坐。羣吏聽誓于陳前。斬牲以左右徇。陳曰。不用命者斬之。中軍以鞞令鼓。鼓人皆三鼓。司馬振鐸。羣吏作旗。車徒皆作鼓行。鳴鐸。車徒皆行。及表乃止。三鼓。攬鐸。羣吏弊旗。車徒皆坐。又三鼓。振鐸作旗。車徒皆作鼓進。鳴鐸。車驟徒趨。及表乃止。坐作如初。乃鼓。車馳徒走。及表乃止。鼓戒三閱。車三發。徒三刺。乃鼓退。鳴鏡。且卻。及表乃止。坐作如初。遂以狩。

田以旌爲左右和之門。羣吏各帥其車徒以敘和出。左右陳車徒。有司平之。旗居卒閒以分地。前後有屯百步。有司巡其前後。險野人爲主。易野車爲主。旣陳。乃設驅逆之車。有司表貉于陳前。中軍以鼙令鼓。鼓人皆三鼓。羣司馬振鐸。車徒皆作。遂鼓行。徒銜枚而進。大獸公之。小禽私之。獲者取左耳。及所弊。鼓皆馘。車徒皆噪。徒乃弊。致禽饁獸于郊。入獻禽。以享烝。及師。大合軍。以行禁令。以救無辜。伐有罪。若大師。則掌其戒令。涖大卜。帥執事。涖釁主及軍器。及致建。大常比軍衆。誅後至者。及戰。巡陳。眡事而賞罰。若師有功。則左執律。右秉鉞。以先愷樂。獻于社。若師不功。則厭而奉主車。王弔勞士庶子。則相。大役與慮事。屬其植。受其要。以待考而賞誅。大會同。則帥士庶子而掌其政令。若大射。則合諸侯之六耦。大祭祀。饗食。羞牲魚。授其祭。大喪。平士大夫。喪祭。奉詔馬牲。小司馬之職。掌凡小祭祀。會同。饗射。師田。喪紀。掌其事。如大司馬之法。有闕文。軍司馬。闕。輿司馬。闕。行司馬。闕。○司勳。上士二人。下士四人。府二人。徒二十人。司勳。掌六鄉賞地之法。

以等其功。王功曰勳。國功曰功。民功曰庸。事功曰勞。治功曰力。戰功曰多。凡有功者。銘書于王之。大常祭于大烝。司勳詔之。大功。司勳藏其貳。掌賞地之政令。凡賞無常。輕重眡功。凡頒賞地。參之一食。唯加田。無國正。○馬質。中士二人。府一人。史二人。賈四人。徒八人。馬質。掌質馬。馬量三物。一曰戎馬。二曰田馬。三曰駕馬。皆有物買。綱惡馬。凡受馬于有司者。書其齒毛與其賈。馬死。則旬之內更。旬之外入馬耳。以其物更。其外否。馬及行。則以任齊其行。若有馬訟。則聽之。禁原蠶者。○量人。下士三人。府一人。史四人。徒八人。量人。掌建國之法。以分國爲九州。營

國城郭營后宮量市朝道巷門渠造都邑亦如之營軍之壘舍量其市朝州涂軍社之所里邦國之地與天下之涂數皆書而藏之凡祭祀饗賓制其從獻脯燔之數量掌喪祭奠竈之俎實凡宰祭與鬱人受罍歷而皆飲之○小子下士二人·史一人·徒八人○羊人下士二人·史一人·賈二人·徒八人小子掌祭祀羞羊肆羊穢肉豆而掌珥于社稷祈于五祀凡沈辜侯禳飾其牲釁邦器及軍器凡師田斬牲以左右徇陳祭祀贊羞受徹焉羊人掌羊牲凡祭祀飾羔祭祀割羊牲登其首凡祈珥共其羊牲賓客共其法羊凡沈辜侯禳釁積共其羊牲若牧人無牲則受布于司馬使其賈買牲而共之○司燿下士二人·徒六人司燿掌行火之政令四時變國火以救時疾季春出火民咸從之季秋內火民亦如之時則施火令凡祭祀則祭燿凡國失火野焚萊則有刑罰焉○掌固上士二人·下士八人·府二人·史四人·胥四人·徒四十人○司險中士二人·下士四人·徒四十人○掌疆中士八人·史四人·胥十人·徒百有六人固掌脩城郭溝池樹渠之固頒其士庶子及其衆庶之守設其飾器分其財用均其稍食任其萬民用其材器凡守者受法焉以通守政有移甲與其役財用唯是得通與國有司帥之以贊其不足者晝三巡之夜亦如之夜三鑿以號戒若造都邑則治其固與其守法凡國都之竟有溝樹之固郊亦如之民皆有職焉若有山川則因之司險掌九州之圖以周知其山林川澤之阻而達其道路設國之五溝五涂而樹之林以爲阻固皆有守禁而達其道路國有故則藩塞阻路而止行者以其屬守之唯有節者達之○掌疆闕○候人上士六人·下士十有二人·史六人·徒百有二十人○環人下士六人·史二人·徒十有二人○挈壺氏下士六人·史二人·徒十有二人候人各掌其方



之道治與其禁令。以設侯人。若有方治。則帥而致于朝。及歸。送之于竟。環人掌致師。察軍慝。環四方之故。巡邦國。搏諜賊。訟敵國。揚軍旅。降園邑。挈壺氏掌挈壺。以令軍井。挈轡以令舍。挈番以令糧。凡軍事。縣壺以序聚櫟。凡喪。縣壺以代哭者。皆以水火守之。分以日夜。及冬。則以火爨鼎水而沸之。而沃之。○射。入。下大夫二人。上士四人。下士八人。府二人。史四人。胥二人。徒二十人。○服不氏。下士一人。徒四人。○射鳥氏。下士一人。徒四人。射人掌國之三公孤卿大夫之位。三公北而孤東。而卿大夫西面。其摯。三公執璧。孤執皮帛。卿執羔。大夫鴈。諸侯在朝。則皆北面。詔相其法。若有國事。則掌其戒令。詔相其事。掌其治達。以射法治射儀。王以六耦射三侯。三獲。三容。樂以騶虞九節。五正。諸侯以四耦射二侯。二獲。二容。樂以貍首七節。三正。孤卿大夫以三耦射一侯。一獲。一容。樂以采蘋五節。二正。士以三耦射豢侯。一獲。一容。樂以采蘋五節。二正。若王大射。則以貍步張三侯。王射。則令去侯。立于後。以矢行告。卒。令取矢。祭侯。則爲位。與大史數射中。佐司馬治射正。祭祀。則贊射牲。相孤卿大夫之法儀。會同朝覲。作大夫介。凡有爵者。大師。令有爵者乘王之倅車。有大賓客。則作卿大夫從。戒大史及大夫介。大喪。與僕人遷尸。作卿大夫掌事。比其廬。不敬者。苛罰之。服不氏掌養猛獸而教擾之。凡祭祀。共猛獸。賓客之事。則抗皮。射則贊張侯。以旌居乏而待獲。射鳥氏掌射鳥。祭祀。以弓矢毆鳥鳶。凡賓客。會同軍旅。亦如之。射。則取矢。矢在侯高。則以并夾取之。○羅氏。下士一人。徒八人。○掌畜。下士二人。史二人。徒二十人。羅氏掌羅鳥。鳥。蜡。則作羅襦。中春。羅春鳥。獻鳩以養國老。行羽物。掌畜掌養鳥。而阜蕃。教擾之。祭祀。供

卯鳥歲時。貢鳥物。共膳獻之鳥。○司士。下大夫二人。中士六人。下士十有二人。府二人。史四人。胥四人。徒四十人。○諸子。下大夫二人。中士四人。府二人。史二人。胥二人。徒二十人。司士掌羣臣之版。以治其政令。歲登下其損益之數。辨其年歲。與其貴賤。周知邦國都家縣鄙之數。卿大夫士庶子之數。以詔王治。以德詔爵。以功詔祿。以能詔事。以久奠食。唯賜無常。正朝儀之位。辨其貴賤之等。王南鄉。三公北而東上。孤東面北上。卿大夫西面北上。王族故士。虎士在路門之右。南面東上。大僕。大右。大僕從者。在路門之左。南面西上。司士擯。孤卿特揖。大夫以其等旅揖。士旁三揖。王還。揖門左。揖門右。大僕前。王入內朝。皆退。掌國中之士治。凡其戒令。掌擯士者。膳其摯。凡祭祀。掌士之戒令。詔相其法事。及賜爵。呼昭穆而進之。帥其屬而割牲。羞俎豆。凡會同。作士從賓客。亦如之。作士適四方使。爲介。大喪。作士掌事。作六軍之士執披。凡士之有守者。令哭無去守。國有故。則致士而頒其守。凡邦國三歲則稽士任。而進退其爵祿。諸子掌國子之倅。掌其戒令。與其教治。辨其等。正其位。國有大事。則帥國子而致于天子。唯所用之。若有兵甲之事。則授之車甲。合其卒伍。置其有司。以軍法治之。司馬弗正。凡國正弗及。大祭祀。正六牲之體。凡樂事。正舞位。授舞器。大喪。正羣子之服位。會同賓客。作羣子從。凡國之政事。國子存遊倅。使之修德學道。春合諸學。秋合諸射。以攷其藝。而進退之。○司右。上士二人。下士四人。府四人。胥八人。徒八十人。○虎賁氏。下大夫一人。中士十有二人。府二人。史八人。胥八十人。虎士八百人。○旅賁氏。中士二人。下士十有六人。徒八人。○節服氏。下士八人。徒四人。○方相氏。在夫四人。司右掌羣右之政令。凡軍旅會同。合其車之卒伍。而比其乘。屬其右。凡國之勇力之士。能用五兵者。屬焉。

掌其政令。虎賁氏掌先後王而趨以卒伍。軍旅會同亦如之。舍則守王閤。王在國則守王宮。國有大故則守王門。大喪亦如之。及葬從遣車而哭。適四方使則從士大夫。若道路不通有徵事則奉書以使于四方。旅賁氏掌執戈盾夾王車而趨。左八人右八人。車止則持輪。凡祭祀會同賓客則服而趨。喪紀則衰葛執戈盾。軍旅則介而趨。節服氏掌祭祀朝覲衰冕六人。維王之大常。諸侯則四人。其服亦如之。郊祀裘冕二人執戈送逆尸從車。方相氏掌蒙熊皮黃金四目玄衣朱裳執戈揚盾。帥百隸而時難以索室毆疫。大喪先匱及墓入壙以戈擊四隅。毆方良。○大僕下大夫二人。小臣上士四人。祭僕中士十六人。御僕下士十有二人。四人胥二人。徒二十人。○隸僕下士二人。府一人。史二人。大僕掌正王之服位。出入王之大命。掌諸侯之復逆。王旤朝則前正位而退入亦如之。建路鼓于大寢之門外而掌其政。以待達窮者與遽令。聞鼓聲則速逆。御僕與御庶子祭祀賓客喪紀正王之服位。詔法儀贊王牲事。王出入則自左馭而前驅。凡軍旅田役贊王鼓救日月亦如之。大喪始崩戒鼓傳達于四方。窆亦如之。縣喪首服之法于宮門。掌三公孤卿之弔勞。王燕飲則相其法。王射則贊弓矢。王旤燕朝則正位。掌擯相。王不旤朝則辭于三公及孤卿。小臣掌王之小命。詔相王之小法儀。掌三公及孤卿之復逆。正王之燕服位。王之燕出入則前驅。大祭祀朝覲沃盥。小祭祀賓客饗食賓射掌事。如大僕之法。掌士大夫之弔勞。凡大事佐大僕。祭僕掌受命于王。以旤祭祀而警戒祭祀。有司糾百官之戒具。旤祭帥羣有司而反命。以王命勞之。誅其不敬者。大喪復于小廟。凡祭祀

王之所不與。則賜之禽。都家亦如之。凡祭祀致福者。展而受之。御僕掌羣吏之逆。及庶民之復。與其弔

勞。大祭祀相盥而登。大喪持鬯。掌王之燕令。以序守路鼓。隸僕掌五寢之掃。除糞酒之事。祭祀脩寢。王

行洗。乘石。掌蹕宮中之事。大喪復于小寢。大寢。○弁師下士二人。上四人。史二人。徒四人。弁師掌王之五冕。皆玄冕。朱裏

延鈕。五采纁十有二就。皆五采玉十有二。玉笄朱紘。諸侯之纁旒九就。璫玉三采。其餘如王之事。纁旒皆

就。玉璫玉笄。王之皮弁。會五采玉璫。象邸玉笄。王之弁絰。弁而加環絰。諸侯及孤卿大夫之冕。韋弁。皮弁

弁絰。各以其等爲之。而掌其禁令。○司甲下大夫二人。中士八人。府四人。史八人。胥八人。徒八十人。○司兵中士四人。府二人。史四人。胥二人。徒二十人。○

司戈盾下士二人。府一人。史二人。徒四人。○司弓矢下大夫一人。中士八人。府四人。史八人。胥八人。徒八十人。○繕人上士二人。下士四人。府一人。史二人。胥二人。徒二十人。○

橐人中士四人。府一人。史四人。胥二人。徒二十人。司甲闕司兵掌五兵五盾。各辨其物與其等。以待軍事。及授兵。從司馬之法。以

頒之。及其受兵。輸亦如之。及其用兵。亦如之。祭祀授舞者兵。大喪。獻五兵。軍事。建車之五兵。會同。亦如之。

司戈盾掌戈盾之物。而頒之。祭祀授旅賁。故士戈盾。授舞者兵。亦如之。軍旅會同。授貳車戈盾。建乘

車之戈盾。授旅賁。及虎士戈盾。及舍。設藩盾。行則斂之。司弓矢掌六弓四弩八矢之法。辨其名物。而掌

其守藏。與其出入。中春。獻弓弩。中秋。獻矢箠。及其頒之。王弓。弧弓。以授射甲革楛質者。夾弓。庾弓。以授射

豸。侯鳥獸者。唐弓。大弓。以授學射者。使者勞者。其矢箠皆從其弓。凡弩。夾庾利攻守。唐大利車戰野戰。凡

矢。枉矢。絜矢。利火射。用諸守城車戰。殺矢。鏃矢。用諸近射。田獵。矰矢。蒺矢。用諸弋射。恆矢。庫矢。用諸散射。

天子之弓。合九而成規。諸侯合七而成規。大夫合五而成規。士合三而成規。句者。謂之弊弓。凡祭祀。共射牲之弓。矢。澤共射。楛質之弓。矢。大射。燕射。共弓。矢。如數。并夾。大喪。共明弓。矢。凡師役會同。頒弓。弩。各以其物。從。授兵甲之儀。田弋。充籠。箠。共矰。矢。凡亡矢者。弗用。則更。繕人。掌王之用弓。弩。矢。箠。矰。戈。挾。拾。掌詔王射。贊王弓。矢。之事。凡乘車。充其籠。箠。載其弓。弩。既射。則斂之。無會計。橐人。掌受財于職金。以齎其工。弓。六物。爲三等。弩。四物。亦如之。矢。八物。皆三等。箠。亦如之。春。獻素。秋。獻成。書其等。以饗工。乘其事。試其弓。弩。以下上其食。而誅賞。乃入功于司弓。矢。及繕人。凡齎財。與其出入。皆在案人。以待會而考之。亡者闕之。○戎右。中大夫二人。上士二人。○齊右。下大夫二人。上士二人。○道右。上士二人。中大夫二人。○大馭。中大夫二人。○戎僕。中大夫二人。○齊僕。下大夫二人。○道僕。上士二人。中大夫二人。上士十有二人。○馭夫。中士二十人。下士四十人。戎右掌戎車之兵革。使詔贊王鼓。傳王命于陳中。會同。充革車。盟。則以玉敦辟盟。遂役之。贊牛耳。桃茢。齊右掌祭祀會同。賓客前齊車。王乘。則持馬。行。則陪乘。凡有牲事。則前馬。道右掌前道車。王出入。則持馬陪乘。如齊車之儀。自車上諭命于從車。詔王之車儀。王式。則下前馬。王下。則以蓋從。大馭掌馭玉路。以祀。及犯軼。王自左馭。馭下。祝登。受轡。犯軼。遂驅之。及祭。酌僕。僕左執轡。右祭兩軹。祭軌。乃飲。凡馭路。行以肆夏。趨以采薺。凡馭路儀。以轡和爲節。戎僕掌馭戎車。掌王倅車之政。正其服。犯軼。如玉路之儀。凡巡守及兵車之會。亦如之。掌凡戎車之儀。齊僕掌馭金路。以賓朝覲。宗遇。饗食。皆乘金路。其法儀。各以其等爲車送逆之節。道僕掌馭象路。以朝夕燕出入。其法儀。如

齊車掌貳車之政令。田僕掌馭田路。以田以鄙。掌佐車之政。設驅逆之車。令獲者植旌。及獻。比禽。凡田王提馬而走。諸侯晉大夫馳。馭夫掌馭貳車。從車使車。分公馬而駕治之。○校人。中大夫二人。上士四人。史八人。胥八人。徒八十人。○趣馬。下士卓一人。史四人。○巫馬。下士二人。醫四人。府一人。史二人。賈二人。徒二十人。○牧師。下士四人。胥四人。史二人。徒四十人。○廋人。下士二人。史二人。徒二十人。○圉師。徒二人。良馬匹一人。駑馬麗一人。校人掌王馬之政。辨六馬之屬。種馬一物。戎馬一物。齊馬一物。道馬一物。田馬一物。駑馬一物。凡頒良馬而養乘之。乘馬一師。四圉。三乘爲阜。阜一趣馬。三阜爲繫。繫一馭夫。六繫爲廐。廐一僕夫。六廐成校。校有左右。駑馬三良馬之數。麗馬一圉。八麗一師。八師一趣馬。八趣馬一馭夫。天子十有二閑。馬六種。邦國六閑。馬四種。家四閑。馬二種。凡馬特居四之一。春祭馬祖。執駒。夏祭先牧。頒馬。攻特。秋祭馬社。臧僕。冬祭馬步。獻馬。講馭夫。凡大祭祀朝覲會同。毛馬而頒之。飾幣馬。執扑而從之。凡賓客受其幣馬。大喪飾遣車之馬。及葬埋之。田獵則帥驅逆之車。凡將事于四海山川。則飾黃駒。凡國之使者。共其幣馬。凡軍事物馬而頒之。等馭夫之祿。宮中之稍食。趣馬掌贊正良馬。而齊其飲食。簡其六節。掌駕說之頒。辨四時之居治。以聽馭夫。巫馬掌養疾馬。而乘治之。相醫而藥攻馬疾。受財于校人。馬死則使其賈粥之。入其布于校人。牧師掌牧地。皆有厲禁。而頒之。孟春焚牧。中春通淫。掌其政令。凡田事贊焚萊。廋人掌十有二閑之政。教以阜馬。佚特。教駢。攻駒。及祭馬祖。祭閑之先牧。及執駒。散馬耳。圉馬。正校人員。選馬八尺以上爲龍。七尺以上爲騄。六尺以上爲馬。圉師掌教圉人養馬。春

除孽。覺廡始牧。夏房馬。冬獻馬。射則充楛質。茨牆則翦鬮。圉人掌養馬芻牧之事。以役圉師。凡賓客喪紀。牽馬而入陳。獻馬亦如之。○職方氏。中大夫四人。下大夫八人。中士十有六人。府四士五人。下士十人。府二人。徒五十人。胥五人。○懷方氏。中士八人。府四人。史四士十人。府二人。徒四十人。胥四人。史四○合方氏。中士八人。府四人。史四士十人。府二人。徒四十人。胥四人。史四○訓方氏。中士四人。府四人。史四士十人。府二人。徒四十人。胥四人。史四○山師。中士二人。下士四人。府二人。徒四十人。胥四人。史四○川師。中士二人。下士四人。府二人。徒四十人。胥四人。史四○形方氏。中士四人。府四人。史四士十人。府二人。徒四十人。胥四人。史四○邊師。中士四人。下士八人。府四人。史四士十人。府二人。徒八十人。胥八人。徒八十人。○職方氏掌天下之圖。以掌天下之地。辨其邦國。都鄙。四夷。八蠻。七閩。九貉。五戎。六狄之人民。與其財用。九穀。六畜之數。要周知其利害。乃辨九州之國。使同貫利。東南曰揚州。其山鎮曰會稽。其澤藪曰具區。其川三江。其浸五湖。其利金錫竹箭。其民二男五女。其畜宜鳥獸。其穀宜稻。正南曰荊州。其山鎮曰衡山。其澤藪曰雲薈。其川江漢。其浸潁澗。其利丹銀齒革。其民一男二女。其畜宜鳥獸。其穀宜稻。河南曰豫州。其山鎮曰華山。其澤藪曰圃田。其川滎雒。其浸波澆。其利林漆絲枲。其民二男三女。其畜宜六擾。其穀宜五種。正東曰青州。其山鎮曰沂山。其澤藪曰望諸。其川淮泗。其浸沂沐。其利蒲魚。其民二男二女。其畜宜雞狗。其穀宜稻麥。河東曰兗州。其山鎮曰岱山。其澤藪曰大野。其川河洸。其浸盧維。其利蒲魚。其民二男三女。其畜宜六擾。其穀宜四種。正西曰雍州。其山鎮曰嶽山。其澤藪曰弦蒲。其川涇汭。其浸渭洛。其利玉石。其民三男二女。其畜宜牛馬。其穀宜黍稷。東北曰幽州。其山鎮曰醫無閭。其澤藪曰獮養。其川河洸。其浸菑時。其利魚鹽。其民一男三女。其畜宜四擾。其穀宜三種。

河內曰冀州。其山鎮曰霍山。其澤藪曰楊紆。其川漳。其浸汾潞。其利松栢。其民五男三女。其畜宜牛羊。其穀宜黍稷。正北曰并州。其山鎮曰恆山。其澤藪曰昭餘祁。其川虜池。嘔夷。其浸涑易。其利布帛。其民二男三女。其畜宜五擾。其穀宜五種。乃辨九服之邦國。方千里曰王畿。其外方五百里曰侯服。又其外方五百里曰甸服。又其外方五百里曰男服。又其外方五百里曰采服。又其外方五百里曰衛服。又其外方五百里曰蠻服。又其外方五百里曰夷服。又其外方五百里曰鎮服。又其外方五百里曰藩服。凡邦國千里。封公以方五百里。則四公。方四百里。則六侯。方三百里。則七伯。方二百里。則二十五子。方百里。則百男。以周知天下。凡邦國大小相維。王設其牧。制其職。各以其所能。制其貢。各以其所有。王將巡守。則戒于四方。曰。各脩平乃守。攷乃職事。無敢不敬戒。國有大刑。及王之所行。先道帥其屬而巡戒令。主殷國。亦如之。土方氏掌土圭之法。以致日景。以土地相宅。而建邦國都鄙。以辨土宜。土化之法。而授任地者。王巡守。則樹王舍。懷方氏掌來遠方之民。致方貢。致遠物。而送逆之。達之以節。治其委積。館舍飲食。合方氏掌達天下之道路。通其財利。同其數器。一其度量。除其怨惡。同其好善。訓方氏掌道四方之政事。與其上下之志。誦四方之傳道。正歲。則布而訓四方。而觀新物。形方氏掌制邦國之地域。而正其封疆。無有華離之地。使小國事大國。大國比小國。山師掌山林之名。辨其物與其利害。而頒之于邦國。使致其珍異之物。川師掌川澤之名。辨其物與其利害。而頒之于邦國。使致其珍異之物。邊師掌四方之地名。辨其



丘陵墳衍邊隰之名物之可以封邑者。○匡人。中士四人。史四人。徒八人。○擲人。中士四人。史四人。徒八人。匡人掌達法則。匡邦國而觀其隱。使無敢反側。以聽王命。擲人掌誦王志。道國之政事。以巡天下之邦國而語之。使萬民和說而正王面。○都司馬。每都上士二人。中士四人。下士八人。府二人。史八人。胥八人。徒八人。○家司馬。各使其臣以正于公司馬。都司馬掌都之士庶子。及其衆庶車馬兵甲之戒令。以國法掌其政學。以聽國司馬。家司馬亦如之。

### 秋官司寇五

【周禮】惟王建國。辨方正位。體國經野。設官分職。以爲民極。乃立秋官司寇。使帥其屬而掌邦禁。以佐王刑。邦國刑官之屬。○大司寇。卿一人。中大夫二人。士師四人。鄉士。上士八人。中士十有六人。旅下士三十有二人。二十人。大司寇之職。掌建邦之三典。以佐王刑邦國。詰四方。一曰刑新國用輕典。二曰刑平國用中典。三曰刑亂國用重典。以五刑糾萬民。一曰野刑。上功糾力。二曰軍刑。上命糾守。三曰鄉刑。上德糾孝。四曰官刑。上能糾職。五曰國刑。上愿糾暴。以圜土聚教罷民。凡害人者。寘之圜土而施職事焉。以明刑恥之。其能改者。反于中國。不齒三年。其不能改而出圜土者。殺。以兩造禁民訟。入束矢于朝。然後聽之。以兩劑禁民獄。入鈞金。三日。乃致于朝。然後聽之。以嘉石平罷民。凡萬民之有罪過而未麗於法而害於州里者。桎梏而坐諸嘉石。役諸司空。重罪旬有三日。坐。其役。其次九日坐。九月役。其次七日坐。七月役。其次五日坐。五月役。其下罪三日坐。三月役。使州里任之。則宥而舍之。以肺石達窮民。凡遠近惇獨老幼之欲有復于上而

其長弗達者。立于肺石。三日。士聽其辭。以告于上。而罪其長。正月之吉。始和。布刑于邦國都鄙。乃縣刑象之法于象魏。使萬民觀刑象。挾日而斂之。凡邦之大盟約。澁其盟書。而登之于天府。大史內史司會及六官。皆受其貳而藏之。凡諸侯之獄訟。以邦典定之。凡卿大夫之獄訟。以邦法斷之。凡庶民之獄訟。以邦成弊之。大祭祀。奉犬牲。若禋祀。五帝則戒之日。涖誓百官。戒于百族。及納亨。前王祭之日。亦如之。奉其明水火。凡朝覲會同。前王大喪。亦如之。大軍旅。涖戮于社。凡邦之大事。使其屬蹕。小司寇之職。掌外朝之政。以致萬民而詢焉。一曰詢國危。二曰詢國遷。三曰詢立君。其位。王南鄉。三公及州長百姓北面。羣臣西面。羣吏東面。小司寇擯。以敘進而問焉。以衆輔志而弊謀。以五刑聽萬民之獄訟。附于刑。用情訊之。至于旬。乃弊之。讀書。則用法。凡命夫命婦。不躬坐獄訟。凡王之同族有罪。不卽市。以五聲聽獄訟。求民情。一曰辭聽。二曰色聽。三曰氣聽。四曰耳聽。五曰目聽。以八辟麗邦法。附刑罰。一曰議親之辟。二曰議故之辟。三曰議賢之辟。四曰議能之辟。五曰議功之辟。六曰議貴之辟。七曰議勤之辟。八曰議賓之辟。以三刺斷庶民獄訟之中。一曰訊羣臣。二曰訊羣吏。三曰訊萬民。聽民之所刺宥。以施上服下服之刑。及大比。登民數。自生齒以上。登于天府。內史司會冢宰貳之。以制國用。小祭祀。奉犬牲。凡禋祀。五帝。實鑊水。納亨。亦如之。大賓客。前王而辟。后世子之喪。亦如之。小師。涖黻。凡國之大事。使其屬蹕。孟冬。祀司民。獻民數于王。王拜受之。以圖國用而進退之。歲終。則令羣士計獄弊訟。登中于天府。正歲。帥其屬而觀刑象。令以木鐸。曰。不用

法者。國有常刑。令羣士乃宣布于四方。憲刑禁。乃命其屬入會。乃致事。士師之職。掌國之五禁之法。以左右刑罰。一曰宮禁。二曰官禁。三曰國禁。四曰野禁。五曰軍禁。皆以木鐸徇之于朝。書而懸于門閭。以五戒先後刑罰。毋使罪麗于民。一曰誓。用之于軍旅。二曰誥。用之于會同。三曰禁。用諸田役。四曰糾。用諸國中。五曰憲。用諸都鄙。掌鄉合州黨旅閭比之聯。與其民人之什伍。使之相安相受。以比追胥之事。以施刑罰。慶賞。掌官中之政令。察獄訟之辭。以詔司寇斷獄弊訟。致邦令。掌士之八成。一曰邦汭。二曰邦賊。三曰邦諜。四曰犯邦令。五曰擣邦令。六曰爲邦盜。七曰爲邦朋。八曰爲邦誣。若邦凶荒。則以荒辯之法治之。令移民通財。糾守緩刑。凡以財獄訟者。正之以傅別約劑。若祭勝國之社稷。則爲之尸。王燕出入。則前驅而辟。祀五帝。則沃尸。及王盟。洎鑊水。凡刳珥。則奉犬牲。諸侯爲賓。則帥其屬而蹕于王宮。大喪。亦如之。大師帥其屬而禁逆軍旅者。與犯師禁者而戮之。歲終。則令正要會。正歲。帥其屬而憲禁令于國及郊野。鄉士掌國中。各掌其鄉之民數而糾戒之。聽其獄訟。察其辭。辯其獄訟。異其死刑之罪而要之。旬而職聽于朝。司寇聽之。斷其獄。弊其訟于朝。羣士司刑。皆在各麗其法。以議獄訟。獄訟成。士師受中。協日刑殺。肆之三日。若欲免之。則王會其期。大祭祀。大喪紀。大軍旅。大賓客。則各掌其鄉之禁令。帥其屬夾道而蹕。三公若有邦事。則爲之前驅而辟其喪。亦如之。凡國有大事。則戮其犯命者。○遂士。中士十有二人。府六人。史十有二人。胥十有二人。徒百有○方士。中士十有六人。府八人。史十有六人。胥十有六人。徒百有六十人。○訝士。中士八人。府四人。史八人。

晉八人·徒八十人

○朝士

中士六人·府三人·史六人·胥六人·徒六十人

遂士掌四郊各掌其遂之民數而糾其戒令聽其獄訟察其辭

辯其獄訟異其死刑之罪而要之二旬而職聽于朝司寇聽之斷其獄弊其訟于朝羣士司刑皆在各麗

其法以議獄訟獄訟成士師受中協日就郊而刑殺各于其遂肆之三日若欲免之則王令三公會其期

若邦有大事聚衆庶則各掌其遂之禁令帥其屬而蹕六卿若有邦事則爲之前驅而辟其喪亦如之凡

郊有大事則戮其犯命者縣士掌野各掌其縣之民數糾其戒令而聽其獄訟察其辭辯其獄訟異其

死刑之罪而要之三旬而職聽于朝司寇聽之斷其獄弊其訟于朝羣士司刑皆在各麗其法以議獄訟

獄訟成士師受中協日刑殺各就其縣肆之三日若欲免之則王命六卿會其期若邦有大役聚衆庶則

各掌其縣之禁令若大夫有邦事則爲之前驅而辟其喪亦如之凡野有大事則戮其犯命者方士掌

都家聽其獄訟之辭辨其死刑之罪而要之三月而上獄訟于國司寇聽其成于朝羣士司刑皆在各麗

其法以議獄訟獄訟成士師受中書其刑殺之成與其聽獄訟者凡都家之大事聚衆庶則各掌其方之

禁令以時脩其縣灋若歲終則省之而誅賞焉凡都家之士所上治則主之訝士掌四方之獄訟論罪

刑于邦國凡四方之有治于士者造焉四方有亂獄則往而成之邦有賓客則與行人送逆之入于國則

爲之前驅而辟野亦如之居館則帥其屬而爲之蹕誅戮暴客者客出入則道之有治則贊之凡邦之大

事聚衆庶則讀其誓禁朝士掌建邦外朝之法左九棘孤卿大夫位焉羣士在其後右九棘公侯伯子

男位焉。羣吏在其後。面三槐。三公位焉。州長衆庶在其後。左嘉石。平罷民焉。右肺石。達窮民焉。帥其屬而以鞭呼趨。且辟。禁慢朝。錯立族談者。凡得獲貨賄。人民六畜者。委于朝。告于士。旬而舉之。大者公之。小者庶民私之。凡士之治。有期日。國中一旬。郊二旬。野三旬。都三月。邦國。其期內之治聽。期外不聽。凡有責者。有判書以治。則聽。凡民同貨財者。令以國法行之。犯令者。刑罰之。凡屬責者。以其地傳而聽其辭。凡盜賊軍鄉邑及家人。殺之無罪。凡報仇讎者。書于士。殺之無罪。若邦凶荒札喪寇戎之故。則令邦國都家縣鄙。慮刑貶。○司民。中士六人。府三人。史六人。胥三人。徒三十人。司民掌登萬民之數。自生齒以上。皆書于版。辨其國中。與其都鄙。及其郊野。異其男女歲。登下其死生。及三年大比。以萬民之數。詔司寇。司寇及孟冬祀司民之日。獻其數于王。王拜受之。登于天府。內史司會冢宰貳之。以贊王治。○司刑。中士二人。府一人。史二人。胥二人。徒二十人。○司刺。下士二人。史二人。徒四人。司刑掌五刑之法。以麗萬民之罪。墨罪五百。劓罪五百。宮罪五百。剕罪五百。殺罪五百。若司寇斷獄弊訟。則以五刑之法。詔刑罰。而以辨罪之輕重。司刺掌三刺三宥三赦之法。以贊司寇聽獄訟。一刺曰訊。羣臣再刺曰訊。羣吏三刺曰訊。萬民一宥曰不識。再宥曰過失。三宥曰遺忘。一赦曰幼弱。再赦曰老旄。三赦曰憊愚。以此三法者。求民情。斷民中。而施上服下服之罪。然後刑殺。○司約。下士二人。府一人。史二人。徒四人。司約掌邦國及萬民之約劑。治神之約爲上。治民之約次之。治地之約次之。治功之約次之。治器之約次之。治摯之約次之。凡大約劑書于宗彝。小約劑書于丹圖。若有訟者。則珥而辟藏。

其不信者服墨刑。若大亂，則六官辟藏。其不信者殺。司盟掌盟載之法。凡邦國有疑會同，則掌其盟約。

之載。及其禮儀。北面詔明神。既盟，則貳之。盟萬民之犯命者，詛其不信者，亦如之。凡民之有約劑者，其貳

在司盟。有獄訟者，則使之盟詛。凡盟詛，各以其地域之衆庶，共其牲而致焉。既盟，則爲司盟共祈酒脯。○

職金。上士二人，下士四人，府二人，史一人，胥八人，徒八十人。○司厲。下士二人，史一人，徒十有二人。職金掌凡金玉錫石丹青之戒令，受其入征者。

辨其物之蠹惡與其數量，楬而蠶之，入其金錫于爲兵器之府，入其玉石丹青于守藏之府，入其要。掌受

士之金罰貨罰，入于司兵。旅于上帝，則共其金版，饗諸侯，亦如之。凡國有大故而用金石，則掌其令。司

厲掌盜賊之任器貨賄，辨其物皆有數量，賈而楬之，入于司兵。其奴，男子入于罪隸，女子入于春槩。凡有

爵者，與七十者，與未鬻者，皆不爲奴。○犬人。下士二人，府一人，史二人，賈四人，徒十有六人。犬人掌犬牲，凡祭祀，共犬牲，用牲物。

伏瘞，亦如之。凡幾珥沈辜，用駝可也。凡相犬牽犬者，屬焉。掌其政治。○司圜。中士六人，下士十有二人，府三

有六人。○掌囚。下士十有二人，府六人，史一人，徒百有二十人。○掌戮。下士二人，史一人，徒十有二人。○司隸。中士二人，下士十有二人，府五人，

罪隸百有二十人，變隸百有二十人，閩隸百有二十人。○夷隸百有二十人。○貉隸百有二十人。司圜掌收教罷民。凡害人者，弗使冠飾，而加明刑焉。任之以

事而收教之，能改者，上罪三年而舍，中罪二年而舍，下罪一年而舍。其不能改而出土圜者，殺。雖出，三年

不齒。凡圜士之刑人，也不虧體，其罰人，也不虧財。掌囚掌守盜賊。凡囚者，上罪桎梏而桎，中罪桎梏，下

罪梏。王之同旅，桎有爵者，桎以待弊罪，及刑殺，告刑于王，奉而適朝。士加明梏以適市，而刑殺之。凡有爵

者與王之同族奉而適甸師氏以待刑殺。掌戮掌斬殺賊諜而搏之。凡殺其親者，貸之。殺王之親者，辜之。凡殺人者，踣諸市，肆之三日，刑盜于市。凡罪之麗于法者，亦如之。唯王之同族與有爵者，殺之于甸師氏。凡軍旅田役，斬殺刑戮，亦如之。墨者使守門，劓者使守關，宮者使守內，剕者使守囿，髡者使守積。司隸掌五隸之法，辨其物而掌其政令，帥其民而搏盜賊，役國中之辱事，爲百官積任器。凡囚執人之事，邦有祭祀賓客喪紀之事，則役其煩辱之事。掌帥四翟之隸，使之皆服其邦之服，執其邦之兵，守王宮與野舍之厲禁。罪隸掌役百官府，與凡有守者，掌使令之小事。凡封國若家，牛助爲牽，其守王宮與其厲禁者，如蠻隸之事。蠻隸掌役校人養馬，其在王宮者，執其國之兵以守王宮，在野外則守厲禁。閩隸掌役畜養鳥而阜蕃，教擾之。掌子則取隸焉。夷隸掌役牧人養牛馬，與鳥言，其守王宮者，與其守厲禁者，如蠻隸之事。貉隸掌服役，服不氏而養獸，而教擾之。掌與獸言，其守王宮者，與其守厲禁者，如蠻隸之事。○布憲中士二人·下士四人·府二人·史四人·胥四人·徒四十人。○禁殺戮下士二人·史一人·徒十有二人。○禁暴氏下士六人·史三人·胥六人·徒六十人。○野廬氏下士六人·胥十有二人。○蜡氏下士四人·徒四十人。○雍氏下士二人·徒八人。○萍氏下士二人·徒八人。○司寤氏下士二人·徒八人。布憲掌憲邦之刑禁，正月之吉，執旌節以宣布于四方，而憲邦之刑禁，以詰四方邦國及其都鄙，達于四海。凡邦之大事，合衆庶，則以刑禁號令。禁殺戮，掌司斬殺戮者，凡傷人見血而不以告者，攘獄者，遏訟者，以告而誅之。禁暴氏，掌禁庶民之亂，暴力正者，矯誣犯禁者，作言語而不信者，以告而誅之。凡國聚衆庶，則戮其犯

禁者以徇。凡奚隸聚而出入者。則司牧之。戮其犯禁者。野盧氏掌達國道路。至于四畿。比國郊及野之道路。宿息井樹。若有賓客。則令守涂地之人聚櫟之。有相翔者。誅之。凡道路之舟車。鬻互者。敍而行之。凡有節者。及有爵者。至。則爲之辟。禁野之橫行徑踰者。凡國之大事。比脩除道路者。掌凡道禁。邦之大師。則令埽道路。且以幾禁。行作不時者。不物者。蜡氏掌除魘。凡國之大祭祀。令州里除不蠲。禁刑者。任人及凶服者。以及郊野。大師大賓客。亦如之。若有死于道路者。則令埋而置榻焉。書其日月焉。縣其衣服。任器于有地之官。以待其人。掌凡國之魘禁。雍氏掌溝瀆澮池之禁。凡害于國稼者。春令爲阱。獲溝瀆之利于民者。秋令塞阱。杜獲。禁山之爲苑澤之沈者。萍氏掌國之水禁。幾酒。謹酒。禁川游者。司寤氏掌夜時。以星分夜。以詔夜士。夜禁。禦晨行者。禁宵行者。夜遊者。○司烜氏。下士六人。徒十有二人。司烜氏掌以夫遂取明火于日。以鑿取明水于月。以共祭祀之明。盥明燭。共明水。凡邦之大事。共墳燭庭燎。中春。以木鐸脩火禁于國中。軍旅。脩火禁。邦若屋誅。則爲明竊焉。○條狼氏。下士六人。胥六人。徒六十人。○脩閭氏。下士二人。胥一人。徒十有二人。條狼氏掌執鞭以趨辟。王出入。則八人夾道。公則六人。侯伯則四人。子男則二人。凡誓。執鞭以趨于前。且命之。誓僕右。曰殺。誓馭。曰車轡。誓大夫。曰敢不關。鞭五百。誓師。曰三百。誓邦之大史。曰殺。誓小史。曰墨。脩閭氏掌比國中宿互櫟者。與其國粥。而比其追胥者。而賞罰之。禁徑踰者。與以兵革趨行者。與馳騁于國中者。邦有故。則令守其閭互。唯執節者不幾。○冥氏。下士二人。徒八人。○庶氏。下士一人。徒四人。○宄氏。下士一人。徒四人。○翬氏。下士



徒八人。○柞氏下士八人。○薙氏下士二人。○誓族氏下士二人。○翦氏下士一人。○赤友氏下士一人。○蠲氏下士一人。○壺涿氏下士一人。○庭氏下士二人。○銜枚氏下士二人。冥氏掌設弧。張爲阱。獲以攻猛獸。以靈鼓。毆之。若得其獸。則獻其皮革齒須備。庶氏掌除毒蠱。以攻說禴之嘉草。攻之。凡毆蠱。則令之比之。宄氏掌攻蟄獸。各以其物。火之。以時獻其珍異皮革。翬氏掌攻猛鳥。各以其物爲媒。而撿之。以時獻其羽翮。柞氏掌攻草木及林麓。夏日至。令刊陽木而火之。冬日至今。剝陰木而水之。若欲其化也。則春秋變其水火。凡攻木者。掌其政令。薙氏掌殺草。春始生而萌之。夏日至而夷之。秋繩而芟之。冬日至而耜之。若欲其化也。則以水火變之。掌凡殺草之政令。誓族氏掌覆天鳥之巢。以方書十日之號。十有二辰之號。十有二月之號。十有二歲之號。二十有八星之號。縣其巢上。則去之。翦氏掌除蠹物。以攻禁攻之。以莽草熏之。凡庶蠱之事。赤友氏掌除牆屋以蜃炭攻之。以灰酒毒之。凡隙屋。除其狸蟲。蠲氏掌去蠹。黽。焚牡鞠。以灰洒之。則死。以其煙被之。則凡水蟲無聲。壺涿氏掌除水蟲。以炮土之。鼓毆之。以焚石投之。若欲殺其神。則以牡槀。午貫象齒而沈之。則其神死。淵爲陵。庭氏掌射國中之天鳥。若不見其鳥獸。則以救日之弓與救月之矢夜射之。若神也。則以大陰之弓與枉矢射之。銜枚氏掌司囂國之大祭祀。令禁無囂。軍旅田役。令銜枝。禁詔呼歎。鳴于國中者。行歌哭于國中之道者。○伊耆氏下士二人。伊耆氏掌國之大祭祀。共其杖咸。軍旅授有爵者杖。共王之齒杖。○大行人中大夫二人。小行人下大夫四人。

司儀。上士八人。中士十有六人。行夫。下士三十有二人。府四人。史十人。胥八人。徒八十人。○環人。中士四人。史四人。胥四人。徒四十人。○象胥。每翟上士一人。中士二人。下士八人。徒二十人。○掌客。上士二人。下士四人。府一人。史二人。胥二人。徒二十人。○掌訝人。中士八人。府二人。史四人。胥四人。徒四十人。○掌交。中士八人。府二人。史四人。胥四人。徒三十有二人。○掌察。士八人。史四人。徒二十有二人。○掌貨賄人。下士十有六人。史四人。徒三十有二人。大行人掌大賓之禮。及大客之儀。以親諸侯。春朝諸侯而圖天下之事。秋覲以比邦國之功。夏示以陳天下之謨。冬遇以協諸侯之慮。時會以發四方之禁。殷同以施天下之政。時聘以結諸侯之好。殷覲以除邦國之慝。閒問以諭諸侯之志。歸賑以交諸侯之福。賀慶以贊諸侯之喜。致禴以補諸侯之裁。以九儀辨諸侯之命。等諸臣之爵。以同邦國之禮。而待其賓客。上公之禮。執桓圭九寸。纁藉九寸。冕服九章。建常九旒。樊纓九就。貳車九乘。介九人。禮九牢。其朝位。賓主之閒九十步。立當車軹。擯者五人。廟中將幣三享。王禮再裸而酢。饗禮九獻。食禮九舉。出入五積。三問三勞。諸侯之禮。執信圭七寸。纁藉七寸。冕服七章。建常七旒。樊纓七就。貳車七乘。介七人。禮七牢。朝位。賓主之閒七十步。立當前疾。擯者四人。廟中將幣三享。王禮壹裸而酢。饗禮七獻。食禮七舉。出入四積。再問再勞。諸伯執躬圭。其他皆如諸侯之禮。諸子執穀璧五寸。纁藉五寸。冕服五章。建常五旒。樊纓五就。貳車五乘。介五人。禮五牢。朝位。賓主之閒五十步。立當車衡。擯者三人。廟中將幣三享。王禮壹裸而酢。饗禮五獻。食禮五舉。出入三積。壹問壹勞。諸男執蒲璧。其他皆如諸子之禮。凡大國之孤。執皮帛。以繼小國之君。出入三積。不問壹勞。朝位當車前。不交擯。廟中無相。以酒禮之。其他皆眡小國之君。凡諸侯之卿。其禮各下其君二等。以

下及其大夫士皆如之。邦畿方千里，其外方五百里，謂之侯服。歲壹見，其貢祀物。又其外方五百里，謂之甸服。二歲壹見，其貢嬪物。又其外方五百里，謂之男服。三歲壹見，其貢器物。又其外方五百里，謂之采服。四歲壹見，其貢服物。又其外方五百里，謂之衛服。五歲壹見，其貢材物。又其外方五百里，謂之要服。六歲壹見，其貢貨物。九州之外，謂之蕃國。世壹見，各以其所貴寶爲摯。王之所以撫邦國諸侯者，歲徧存，三歲徧類，五歲徧省，七歲屬象胥諭言語，協辭命，九歲屬瞽史諭書名，聽聲音，十有一歲，達瑞節，同度量，成牢禮，同數器，脩法則，十有二歲，王巡狩般國，凡諸侯之王事，辨其位，正其等，協其禮，賓而見之。若有大喪，則詔相諸侯之禮。若有四方之大事，則受其幣，聽其辭。凡諸侯之邦交，歲相問也。般相聘也。世相朝也。小行人掌邦國賓客之禮籍，以待四方之使者，令諸侯春入貢，秋獻功，王親受之，各以其國之籍禮之。凡諸侯入王，則逆勞于畿，及郊，勞胝館將幣，爲承而擯。凡四方之使者，大客則擯，小客則受其幣而聽其辭，使適四方，協九儀，賓客之禮，朝覲宗遇會同，君之禮也。存規省聘問，臣之禮也。達天下之六節，山國用虎節，土國用人節，澤國用龍節，皆以金爲之。道路用旌節，門關用符節，都鄙用管節，皆以竹爲之。成六瑞，王用璜圭，公用桓圭，侯用信圭，伯用躬圭，子用穀璧，男用蒲璧，合六幣，圭以馬，璋以皮，璧以帛，琮以錦，琥以繡，璜以黼。此六物者，以和諸侯之好。故若國札喪，則令賻補之。若國凶荒，則令賙委之。若國師役，則令臺禮之。若國有福事，則令慶賀之。若國有禍裁，則令哀弔之。凡此五物者，治其事故，及其萬民之利害爲一書。

其禮俗、政事、教治、刑禁之逆順、爲一書。其悖逆、暴亂、作慝、猶犯令者、爲一書。其札喪、凶荒、厄貧、爲一書。其康樂、和親、安平、爲一書。凡此五物者、每國辨異之、以反命于王。以周知天下之故。司儀掌九儀之賓客、擯相之禮、以詔儀容、揖讓之節。將合諸侯、則令爲壇三成、宮旁一門。詔王儀、南鄉見諸侯。士揖庶姓、時揖異姓。天揖國姓。及其擯之、各以其禮。公于上等、侯伯于中等、子男于下等。其將幣、亦如之。其禮、亦如之。王燕則諸侯毛。凡諸公相爲賓、主國五積三問、皆三辭拜受。皆旅擯、再勞三辭三揖。登拜受、拜送。主君郊勞、交擯三辭。車逆拜辱三揖三辭拜受。車送三還再拜致館、亦如之。致飧如致積之禮。及將幣、交擯三辭。車逆拜辱、賓車進答拜三揖三讓。每門止一相。及廟唯上相入。賓三揖三讓。登再拜授幣。賓拜送幣。每事如初。賓亦如之。及出車送三請三進再拜。賓三還三辭告辟致饗餼。遠圭饗食致贈。郊送皆如將幣之儀。賓之拜禮、拜饗餼、拜饗食。賓繼主君、皆如主國之禮。諸侯諸伯諸子諸男之相爲賓也。各以其禮相待也。如諸公之儀、諸公之臣相爲國客、則三積皆三辭拜受。及大夫郊勞、旅擯三辭拜辱三讓。登聽命下拜。登受。賓使者如初之儀。及退拜送致餼。如初之儀。及將幣、旅擯三辭拜逆。客辟三揖。每門止一相。及廟唯君相入三讓。客登拜。客三辟授幣。下出。每事如初之儀。及禮私面私獻。皆再拜稽首。君答拜出。及中門之外。問君客再拜對。君拜。客辟而對。君問大夫。客對。君勞客。客再拜稽首。君答拜。客趨辟。致饗餼。如勞之禮。饗食還圭。如將幣之儀。君館客。客辟介受命。遂送。客從拜辱于朝。明日。客拜禮。賜遂行。如入之積。凡侯伯

子男之臣。以其國之爵相爲客而相禮。其儀亦如之。凡四方之賓客。禮儀辭命餼牢賜獻。以二等。從其爵而上下之。凡賓客送逆同禮。凡諸侯之交。各稱其邦而爲之幣。以其幣爲之禮。凡行人之儀。不朝不夕。不正其主而亦不背客。行夫掌邦國傳遽之小事。蠱惡而無禮者。凡其使也。必以旌節。雖道有難。而不時必達。居于其國。則掌行人之勞辱事焉。使則介之。環人掌送逆邦國之通賓客。以路節達諸四方。舍則授館。令聚饗。有任器。則令環之。凡門關無幾。送逆及疆。象胥掌蠻夷閩貉戎狄之國使。掌傳王之言而諭說焉。以和親之。若以時入賓。則協其禮。與其辭言傳之。凡其出入送逆之禮節。幣帛辭令。而賓相之。凡國之大喪。詔相國客之禮儀。而正其位。凡軍旅會同。受國客幣。而賓禮之。凡作事。王之大事。諸侯。次事。卿。次事。大夫。次事。上士。下事。庶子。掌客。掌四方賓客之牢禮餼。飲食之等數。與其政治。王合諸侯而享禮。則具十有二牢。庶具百物備。諸侯長十有再獻。土巡狩般國。則國君膳以牲。犢令百官百牲皆具。從者三公。眡上公之禮。卿。眡侯伯之禮。大夫。眡子男之禮。士。眡諸侯之卿禮。庶子。壹眡其大夫之禮。凡諸侯之禮。上公五積。皆眡殮牽。三問。皆脩。羣介行人宰史皆有牢。殮五牢。食四十簋。十豆。四十。釶四十。有。二。壺。四十。鼎。簋十。有。二。牲。三十。有。六。皆陳。饗餼九牢。其死牢如殮之陳。牽四牢。米百有二十。筥。醯醢百有二十。甗。車皆陳。車米。眡生牢。牢十車。車乘有五。籩。車禾。眡死牢。牢十車。車三秬。芻薪倍禾。皆陳。乘禽日九十。雙。般。膳。大牢。以及歸。三饗。三食。三燕。若弗酌。則以幣致之。凡介行人宰史皆有殮饗餼。以其爵等爲之牢禮之。

陳數。唯上介有禽獻。夫人致禮。八壺。八豆。八籩。膳大牢。致饗大牢。食大牢。卿皆見以羔。膳大牢。侯伯四積。皆眡。殮牽。再問。皆脩。殮四牢。食三十有二。簠八。豆三十有二。鉶二十有八。壺三十有二。鼎簋十有二。腥二十有七。皆陳。饗餼七牢。其死牢如殮之陳。牽三牢。米百筥。醢醢百。皆陳。米三十車。禾四十車。芻薪倍禾。皆陳。乘禽日七十雙。般膳大牢。三饗。再食。再燕。凡介行人宰史皆有殮饗餼。以其爵等爲之禮。唯上介有禽獻。夫人致禮。八壺。八豆。八籩。膳大牢。卿皆見以羔。膳特牛。子男三積。皆眡。殮牽。壹問。以脩。殮三牢。食二十有四。簠六。豆二十有四。鉶十有八。壺二十有四。鼎簋十有二。牲十有八。皆陳。饗餼五牢。其死牢如殮之陳。牽二牢。米八十筥。醢醢八十。皆陳。米二十車。禾三十車。芻薪倍禾。皆陳。乘禽日五十雙。壹饗。壹食。壹燕。凡介行人宰史皆有殮饗餼。以其爵等爲之禮。唯上介有禽獻。夫人致禮。六壺。六豆。六籩。膳。眡致饗。親見。卿皆膳特牛。凡諸侯之卿大夫士爲國客。則如其介之禮。以待之。凡禮賓客。國新殺禮。凶荒殺禮。札喪殺禮。禍裁殺禮。在野在外殺禮。凡賓客死。致禮以喪。賓客有喪。唯芻稍之受。遭主國之喪。不受饗食。受牲禮。掌訝。掌邦國之等籍。以待賓客。若將有國賓客至。則戒官脩委積。與士逆賓于疆。爲前驅而入。及宿。則令聚櫟。及委。則致積。至于國賓入館。次于舍門外。待事于客。及將幣。爲前驅。至于朝。詔其位。入復。及退。亦如之。凡賓客之治。令訝。訝治之。凡從者出。則使人道之。及歸送。亦如之。凡賓客。諸侯有卿訝。卿有大夫訝。大夫有士訝。士皆有訝。凡訝者。賓客至。而往詔相其事。而掌其治令。掌交掌以節與幣。

巡邦國之諸侯。及其萬民之所聚者。道王之德意志慮。使咸知王之好惡。辟行之。使和諸侯之好。達萬民之說。掌邦國之通事而結其交好。以諭九稅之利。九禮之親。九牧之維。九禁之難。九戎之威。掌察闕。掌

貨賄闕。○朝大夫。每國上士二人。下士四人。府一人。中士一人。下士二人。府一人。○都士。中士二人。下士四人。

府二人。史四人。胥四人。徒四十人。○家士。亦如。朝大夫掌都家之國治。日朝以聽國事故。以告其君長。國有政令。則令其朝

大夫。凡都家之治于國者。必因其朝大夫然後聽之。唯大事弗因。凡都家之治有不及者。則誅其朝大夫

在軍旅。則誅其有司。都則闕。都士闕。家士闕。

【禮記】家宰制國用。必於歲之杪。五穀皆入。然後制國用。用地小大。視年之豐耗。以三十年之通制國用。量入以爲出。祭用數之。飭喪三年不祭。唯祭天地社稷。爲越紼而行事。喪用三年之飭。喪祭用不足曰暴。有餘曰浩。祭豐年不奢。凶年不儉。國無九年之蓄。曰不足。無六年之蓄。曰急。無三年之蓄。曰國非其國也。三年耕。必有一年之食。九年耕。必有三年之食。以三十年之通。雖有凶旱水溢。民無菜色。然後天子食。日舉以樂。司空執度。度地。居民山川沮澤。時四時。量地遠近。興事任力。凡使民。任老者之事。食壯者之食。凡居民。材必因天地寒煖燥溼。廣谷大川異制。民生其閒者。異俗。剛柔輕重。遲速異齊。五味異和。器械異制。衣服異宜。修其教。不易其俗。齊其政。不易其宜。中國戎夷。五方之民。皆有性也。不可推移。東方曰夷。被髮文身。有不火食者矣。南方曰蠻。雕題交趾。有不火食者矣。西方曰戎。被髮衣皮。有不粒食者矣。北方曰

狄衣羽毛穴居。有不粒食者矣。中國夷蠻戎狄。皆有安居和味。宜服利用。備器。五方之民。言語不通。嗜欲不同。達其志。通其欲。東方曰寄。南方曰象。西方曰狄。鞮。北方曰譯。凡居民。量地以制邑。度地以居民。地邑民居。必參相得也。無曠土。無游民。食節事時。民咸安其居。樂事勸功。尊君親上。然後興學。司徒修六禮。以節民性。明七教。以興民德。齊八政。以防淫。一道德以同俗。養耆老以致孝。恤孤獨以逮不足。上賢以崇德。簡不肖以紕惡。命鄉簡不帥教者。以告耆老。皆朝于庠。元日。習射上功。習鄉上齒。大司徒帥國之俊士。與執事焉。不變。命國之右鄉簡不帥教者。移之左。命國之左鄉簡不帥教者。移之右。如初禮。不變。移之郊。如初禮。不變。移之遂。如初禮。不變。屏之遠方。終身不齒。命鄉論秀士。升之司徒。曰選士。司徒論選士之秀者。而升之學。曰俊士。升於司徒者。不征於鄉。升於學者。不征於司徒。曰造士。樂正崇四術。立四教。順先王詩書禮樂。以造士。春秋教以禮樂。冬夏教以詩書。王太子。王子。羣后之太子。卿大夫元士之適子。國之俊選。皆造焉。凡入學。以齒。將出學。小胥。大胥。小樂正。簡不率教者。以告于大樂正。大樂正以告于王。王命三公九卿大夫元士。皆入學。不變。王親視學。不變。王三日不舉。屏之遠方。西方曰棘。東方曰寄。終身不齒。大樂正論造士之秀者。以告于王。而升諸司馬。曰進士。六禮冠昏喪祭。鄉相見。七教。父子兄弟夫婦君臣長幼朋友賓客。八政。飲食衣服。事爲異別。度量數制。司馬辨論官材。論進士之賢者。以告于王。而定其論。論定。然後官之。任官。然後爵之。位定。然後祿之。大夫廢其事。終身不仕。死。以士禮葬之。有發。則命大司



徒教士以車甲。凡執技論力。適四方。羸股肱。決射御。凡執技以事上者。祝史射御醫卜及百工。凡執技以事上者。不貳事。不移官。出鄉不與士齒。仕於家者。出鄉不與士齒。凡官民材。必先論之。論辨然後使之。任事然後爵之。位定然後祿之。爵人於朝。與士共之。刑人於市。與衆棄之。是故公家不畜刑人。大夫弗養。士遇之塗。弗與言也。屏之四方。唯其所之。不及以政。示弗故生也。司寇正刑明辟。以聽獄訟。必三刺。有旨無簡不聽。附從輕。赦從重。凡制五刑。必卽天論。郵罰麗於事。凡聽五刑之訟。必原父子之親。立君臣之義。以權之。意論輕重之序。慎測淺深之量。以別之。悉其聰明。致其忠愛。以盡之。疑獄汜與衆共之。衆疑。赦之。必察大小之比。以成之。成獄辭。史以獄成告於正。正聽之。正以獄成告于大司寇。大司寇聽之。棘木之下。大司寇以獄之成告于王。王命三公參聽之。三公以獄之成告於王。王三又。然後制刑。凡作刑罰。輕無赦。刑者。例也。例者。成也。一成而不可變。故君子盡心焉。析言破律。亂名改作。執左道以亂政。殺作淫聲。異服奇技。奇器以疑衆。殺行僞而堅。言僞而辨。學非而博。順非而澤。以疑衆。殺假於鬼神時日卜筮以疑衆。殺此四誅者。不以聽。凡執禁以齊衆。不赦過。有圭璧金璋。不粥於市。命服命車。不粥於市。宗廟之器。不粥於市。犧牲。不粥於市。戎器。不粥於市。用器。不中度。不粥於市。兵車。不中度。不粥於市。布帛。精麤。不中數。幅廣狹。不中量。不粥於市。姦色。亂正色。不粥於市。錦文珠玉成器。不粥於市。衣服飲食。不粥於市。五穀。不時。果實未熟。不粥於市。木。不中伐。不粥於市。禽獸魚鼈。不中殺。不粥於市。關執禁。以譏禁。異服。識異言。大

史典禮執簡記奉諱惡。天子齊戒受諫。司會以歲之成質於天子。家宰齊戒受質。大樂正大司寇市三官以其成從質於天子。大司徒大司馬大司空齊戒受質。百官各以其成質於三官。大司徒大司馬大司空以百官之成質於天子。百官齊受戒質。然後休老勞農。成歲事。制國用。

○王制。○王制之作。不盡合于周官先儒以爲夏殷之禮之亦臆說耳。

古者周天子之官有庶子官。庶子官職諸侯卿大夫士之庶子之卒。掌其戒令。與其教治。別其等。正其位。國有大事。則率國子而致於天子。唯所用之。若有甲兵之事。則授之以車甲。合其卒伍。置其有司。以軍法治之。司馬弗正。凡國之政事。國子存游卒。使之修德學道。春合諸學。秋合諸射。以考其藝。而進退之。

○燕義。

○即夏官諸子職也。以燕禮有庶子。故陳其所掌。且明建官之義。

庶子之正於公族者。教之以孝弟睦友子愛。明父子之義。長幼之序。其朝

于公。內朝則東面北上。臣有貴者。以齒。其在外朝。則以官司士爲之。其在宗廟之中。則如外朝之位。宗人授事。以爵以官。其登餼獻受爵。則以上嗣。庶子治之。雖有三命。不踰父兄。其公大事。則以其喪服之精麤爲序。雖於公族之喪。亦如之。以俟主人。若公與族燕。則異姓爲賓。膳宰爲主人。公與父兄齒。族食世降一等。其在軍。則守於公禰。公若有出疆之政。庶子以公族之無事者守於公宮。正室守大廟。諸父守貴宮。貴室諸子諸孫守下宮。下室五廟之孫。祖廟未毀。雖爲庶人。冠取妻。必告。死必赴。練祥則告。族之相爲也。宜弔不弔。宜免不免。有司罰之。至于賄賂承舍。皆有正焉。公族其有死罪。則磬于甸人。其刑罪則織。劓亦告于甸人。公族無宮刑。獄成。有司讞于公。其死罪。則曰某之罪在大辟。其刑罪。則曰某之罪在小辟。公曰宥。

之有司又曰在辟。公又曰宥之。有司又曰在辟。及三宥不對。走出。致刑于甸人。公又使人追之。曰。雖然。必赦之。有司對曰。無及也。反命于公。公素服不舉。爲之變。如其倫之喪。無服。親哭之。公族朝于內朝。內親也。雖有貴者以齒。明父子也。外朝以官體。異姓也。宗廟之中。以爵爲位。崇德也。宗人授事以官。尊賢也。登餽受爵以上嗣。尊祖之道也。喪紀以服之輕重爲序。不奪人親也。公與族燕。則以齒。而孝弟之道達矣。其族食世降一等。親親之殺也。戰則守於公禰。孝愛之深也。正室守太廟。尊宗室而君臣之道著矣。諸父諸兄守貴室。子弟守下室。而讓道達矣。五廟之孫。祖廟未毀。雖及庶人。冠取妻必告。死必赴。不忘親也。親未絕而列於庶人。賤無能也。敬弔臨賻。贈睦友之道也。古者庶子之官治。而邦國有倫。邦國有倫。而衆鄉方矣。公族之罪。雖親不以犯。有司正術也。所以體百姓也。刑于隱者。不與國人慮兄弟也。弗弔。弗爲服。哭於異姓之廟。爲忝祖遠之也。素服居外。不聽樂。私喪之也。骨肉之親無絕也。公族無宮刑。不翦其類也。○文王世子之官。貴宗親族之義。可補周官之缺焉。

